



徒罪人犯親老丁單如有兄弟并姪出繼者毋

庸令其歸宗槩准請留養

刑部爲通行事浙江司案呈准福建司傳抄據福建

巡撫汪咨稱壽寧縣民黃超賓砍傷竊賊陳年朋

身死一案緣陳年朋與黃超賓隔村居住並不認識

嘉慶四年二月二十五日陳年朋因貧難度偵知黃

若金家有錢起意行竊三更時分獨自一人携帶鐵

鑿行抵事主黃若金門首撬開大門入室行竊黃若

金在樓睡宿驚覺喊捕陳年朋竊取樓下布袋兩條

當卽逃出黃若金隣居堂姪黃趙賓聽聞喊聲攜帶
菜刀出而幫捕瞥見陳年朋攔賊跑走赶上追捕陳
年朋棄賊轉身舉拳向毆黃趙賓閃側順用菜刀連
砍陳年朋偏左黃若金同隣人陳時樹等携燈踵至
陳年朋業已受傷倒地黃若金當將原贓布袋拿回
詎陳年朋傷重延至次早殞命經屍兄陳勇年屍妻
陳吳氏前往認明與事主黃若金投保報縣前壽寧
縣知縣吳兆麟詣驗獲尸訊供通詳奉批飭審提犯
覆訊據供前情不諱詰囚黑夜捕捉倉卒致斃並非

有心欲殺亦無帮毆之人矢口不移案無遁飾查陳年朋行竊黃若金家贓現獲黃超賓係事主黃若金隣居堂姪本有應捕之責陳年朋携贓逃遁該犯上前追拿因見陳年朋舉拳向毆賊勢強橫慮被扭傷用刀連砍適斃其命與賊犯携贓逃遁隣佑人等直前追捕賊勢強橫不能力擒送官毆打戕命之例相符黃超賓合依賊犯携贓逃遁隣佑人等直前追捕賊勢強橫不能力擒送官以致毆打戕命者照事主毆打至死減鬪殺罪二等例殺一百徒三年到配

折責安置陳再年不能禁約伊弟爲竊應與失察牌
保照例發落被竊布袋當經事連獲同賊具鐵鑿並
兇器菜刀解驗銷毀無干省釋屍棺飭屬領埋再查
黃超賓之父黃老正現年七十六歲該犯現有胞兄
黃廷妹出繼可以歸宗與獨子鬻養之例不符毋庸
聲請相應咨達等因前來查例載獨子鬻養之案如
該犯本有兄弟姪姪出繼可以歸宗者不得以鬻養
聲請等語是親老丁單之犯有兄弟出繼可以歸宗
者定例原不准其聲請鬻養但罪應軍流各犯終身

不還而本犯出繼之兄弟自應歸宗其所後之父母
另繼別支至于徒罪一三至三年限滿卽應釋回若
將本犯之兄弟歸宗而所後之父母復另繼別支不
惟與獨之老人因卑幼犯罪而屢易其繼且俟本犯
徒滿釋回而從前承繼之兄弟如有不安本分妄思
續繼適足以啓爭競殊非恤老杜弊之道自應量爲
變通應令嗣後軍流人犯仍照定例辦理外其徒罪
人犯凡親老丁單如該犯本有兄弟并姪出繼者毋
庸令其歸宗與准聲請留養所有本案黃超賓一犯

既據該撫聲明該犯親老丁單應照例枷責准其留
養並通行直隸等省一體遵辦餘應如所咨完結仍
令照例彙題查該犯等事犯在本年十一月二十七
日欽奉

恩詔以前黃超賓所得枷杖應予援免陳勇年同失察牌
保業據發落應毋庸議可也于嘉慶五年正月十五
日浙省准咨

毆死胞弟理直情輕准予承祀

刑部爲稟報事據江蘇巡撫賁咨稱江都縣民湯有聚毆傷胞弟湯有茂身死一案緣湯有聚與湯有茂係同父異母弟兄分居各爨素相和睦嘉慶元年六月二十五日湯有聚之父湯進學病故一切喪事係湯有聚經理賒欠棺價錢二千文湯有聚與湯有茂言明各半認還湯有聚先將應出之錢歸楚因湯有茂負欠不還致材店常向湯有聚催討七月十六日黃昏湯有聚見湯有茂坐於門外場上催令歸還

店欠湯有茂噴其通討出言挺撞湯有聚斥責其非
湯有茂不依站起即用所坐小木橈毆傷湯有聚左
眼胞湯有聚被毆情急用左手架格以致木橈格轉
碰傷湯有茂偏右倒地經隣王士麟等扶救無及移
時殞命時值該縣奉委赴蕭陽一帶勘灾公出報經
典史申請甘泉縣代驗移還訊供通詳奉批飭審提
犯研鞫據將起衅爭毆格碰致傷身死各情供認不
諱究非有心欲殺查湯有茂係湯有聚胞弟服屬期
親湯有聚合依毆期親弟致死照本律滿徒加一等

杖一百流二千里例杖一百流二千里到配折責安
置再查弟殺胞兄按其所犯情節實可矜憫者例得
於疏內聲請承祀恭候

欽定此指弟毆胞兄而言至兄毆胞弟致死並無承祀明
文此案湯有聚向同父異母胞弟湯有茂催還故父
棺價錢文事本理直乃湯有茂先用木機將胞兄毆
傷本屬有罪之人因湯有聚用手一格以致木機格
轉碰傷致斃情罪甚輕該犯並無弟兄出繼可以歸
宗現據屍母三氏以弟死兄流家無承祀之人情殊

堪憫應否准其存留承祀相應附招聲明聽候部議
王士麟救阻不及應毋庸議湯有茂應還棺木錢文
身死免追仍着湯有聚歸還所有承審遲延逾限不
及一月職名係江都縣知縣楊孝駿合併開報附叅
擬合咨達等因前來據此湯有聚等均應如該撫所
咨完結湯有聚事犯在本年四月二十二日欽奉清
理庶獄

恩旨以前所擬流罪應減爲杖一百徒三年此案該撫咨
稱湯有聚毆死胞弟湯有茂理直情輕家無承祀之

人將該犯聲請承祀容部候議等語查例載弟殺胞兄若情實可矜准於疏內敘明聲請爾着承祀恭候欽定此非屈法而曲貸兇犯之罪實推

恩以優及死者之親也例原舉重賅輕卑勿犯尊長罪應斬決者猶得援例聲請則尊長致死卑勿罪止流徙者更可比引此案湯有聚因向伊胞弟催償致父棺價被其用木槌毆湯該犯用手回格致格轉木槌碰傷伊弟致斃既據審明該犯理直情輕並訊據屍母及該犯隣族人等檢供家無承祀之人自應將該犯

聲請承祀乃該撫以職死胞弟例無承祀明文聲明
應否承祀聽候部議未便拘泥湯有聚應准其承祀
將該犯枷責發落仍令照例彙題至議處文職事隸
吏部應將原咨冊送吏部查議可也嘉慶二年閏六
月二十一日蘇省准咨

語言調戲致本婦羞忿自盡之案有親鄰干單
並孀婦獨子例應照舊之犯取結聲明

刑部爲通行事刑科抄出浙江前籍畢華河南司傳
抄據河南巡撫景題前事等因嘉慶五年九月
五日題十二月十三日奉

旨三法司核擬具奏欽此本部會同禮部院寺會審得
野縣民孫殿英調戲孫吳氏致氏羞忿自縊身死
案據河南巡撫景疏稱孫殿英係孫劉氏無服
族姪同科往來與孫劉氏重姪孫殿英氏見面不避

嘉慶二年二月二十四日上午孫殿英在集飲醉同
歸路經孫劉氏門首進內討火吃烟見孫吳氏在院
紡綿詢知孫劉氏外出孫殿英頓萌淫念用言調戲
孫吳氏不依囑罵孫殿英當卽跑逸維時孫劉氏在
孫予強家幫工聞聲趨視孫吳氏哭訴前情孫劉氏
勸慰許俟伊子孫成勲回家控究詎孫吳氏羞忿莫
釋欲尋短見經孫劉氏日夜防範勸慰延至二十七
日夜乘間投繯殞命報縣驗詳飭審茲據審擬招解
審供前情不諱詰無手足勾引情事查孫殿英係孫

劉氏無服族姪與孫吳氏並無限制應同凡論將孫

劉氏無服族姪與孫吳氏並無服制應同凡論將孫殿英依律擬絞監候孫吳氏附請

旌表等因具

題前來據此應如該撫所題孫殿英合依但經調戲本婦羞忿自盡者絞監候例擬絞監候秋後處決該撫既稱該犯雖有母張氏守節二十年年逾六旬家無次丁但係調姦釀命之犯毋庸取結等語查調姦釀命雖例應情實但孫殿英僅止語言調戲尚非手足勾引此等案犯歷年秋審俱係擬以情實奉

旨准予免勾一次卽入緩決今孫殿英既據該撫聲明有
母張氏守節二十年年逾六旬家無次丁若將該犯
監禁囹圄致使守節孀婦無八侍奉情殊可憫似應
將孫殿英准其留養如蒙

俞允

臣

部行文該撫取結報部將孫殿英照例枷責發落

准其存留養親並請嗣後遇有此等僅止語言調戲
並無手足勾引致本婦羞忿自盡之案有親老丁單
並孀婦獨子例應留養之犯俱令該督撫查明取結
隨本聲明具題

臣

部隨案核覆聲請留養以廣

皇仁而矜孤寡再該撫疏稱孫吳氏守正不污捐軀明志
洵屬貞烈應請

旌表而維風化等語查定例凡婦女因人調戲羞忿自盡
者

旌表今孫吳氏因被孫殿英調戲守正不污捐軀明志洵
屬貞烈應照例准其

旌表俟

命下之日行令該撫轉飭該地方官給銀三十兩聽本家
自行建坊其該縣節孝祠內設牌之處照定例遵行

等因嘉慶二年十二月初十日題十七日奉

旨孫殿英從寬免死照例發落准其養親餘依議欽此

新疆改發以及實發新疆人犯分別情節輕重

准予留養

刑部爲通行事浙江司案呈准河南司傳抄所有前
事一案相應抄單行文浙撫轉行杭州將軍臣浦駒
都統一體遵辦等因計粘單內開刑科抄出河南巡
撫倭題前事等因嘉慶三年五月二十日題本月
二十七日奉

旨三法司核擬具奏欽此本部會同吏部院寺會看得正

陽縣民楊義盛舖內被竊錢物獲犯黃文甫等一案

據河南巡撫倭疏稱緣黃文甫籍隸江西新喻縣
來至正陽售賣雜貨生理折本卽在正陽幫工度月
與已獲之張二并未獲之王林周二王生周東山素
相認識嘉慶二年二月初三日黃文甫前赴銅鐘店
覓工先後會遇張二王林周二王生周東山各道貧
難黃文甫稔知楊義盛雜貨舖有錢起意行竊各犯
允從卽于是夜三更時分王林攜帶小刀餘俱徒手
同夥六人齊至村外黃文甫因患病留在漫地等候
張二等五人齊抵事主舖前王林用刀撥開舖北窗

馬門扇復按舖墻與周二進內陸續偷得制錢一百
六十七千綉紗布等物通交張二等運至村外漫
地黃文甫因賍錢過多難以分擘囑令張二等暫時
挖坑掩埋餘賍運至周東山家寄放次日當錢同所
埋錢文俵分而散事主報縣訊詳飭緝嗣因初參賍
滿犯無弋獲業將承緝職名咨參在案茲據先後獲
獲張二等黃文甫到案審擬招解審供前情不諱請將
另有窩贓竊劫別案逃後亦無符號爲匪及知情容
通之人賍經生認正賊無嫌此業計賍三百六十五

兩等係黃文甫起意爲首張二等爲從將黃文甫依律擬絞監候照例刺字張二等流等因具

題前來據此應如該撫所題黃文甫合依竊盜贓一罪二十兩以上絞監候例擬絞監候秋後處決該撫擬稱張二等依爲從減一等杖一百流三千里律應杖一百流三千里至配所折責四十板該犯事犯到官在嘉慶三年三月十二日恭逢清理慶獄

恩旨以前所得流罪應減爲杖一百徒三年到配折責安置仍刺字該犯等訊無同居親屬知情分贓此外亦

無窩夥竊刦別案及逃後行兇爲匪知情容留情事
應毋庸議各犯在外爲匪原籍牌甲無從覺察均應
免議買贓之不識姓名人並免查傳已獲之贓給主
認領未獲各贓同當本照估追賠逸賊王林等緝獲
另結等語均應如該撫所題完結逸賊王林等應令
該撫飭緝務獲審擬另結至該撫疏內聲明黃文甫
親老丁單係竊盜滿貫爲首毋庸聲請留養等語查
行竊逾貫擬絞之犯緩決一次例應減等發遣此項
人犯係由新疆改發內地雖親老丁單向例不准開

養但應發新疆及由新疆改發內地各犯情節輕重不
一且留養一項原係

國家矜恤孤獨特施法外之仁似應量爲推廣應請將
例文內強盜竊主造意不行又不分贓等項情節較
重者其二十五條概不准聲請留養其搶竊滿貫擬
絞緩決減等等項情節較輕者二十二條准其留養
一次如不知悔改復行犯罪仍不准留養處于矜憫
之中仍寓分別懲創之意再查由新疆改發內地人
犯內如竊盜臨時拒捕傷非金刃傷輕平復搶奪傷

人傷非金刃傷輕平復同民犯竊結夥三人以上及
執持繩鞭器械三項情罪較重如有脫逃自應照新
疆人犯脫逃之例卽行正法其餘改遣人犯本罪原
止軍流如有脫逃似未便統照外遣人犯一體辦理
但定係由外遣改發內地亦未便僅照尋常軍流脫
逃例定擬應請各按現犯本罪上加二等調發于犯
案發配時卽面刺改發字樣以示區別謹另繕清單
恭

呈

御覽如蒙

俞允所有黃文甫一犯應卽准其留養行令該撫查明取
結辦理臣部卽載入例冊並先通行各督撫一體遵
辦等因嘉慶三年八月二十二日題二十五日奉

旨黃文甫從寬免死減等發落准留養親餘依議單并發
欽此

酌擬遣犯情節較重不准留養二十五條

一強盜窩主追意不行又不分贓者實發新疆

一旗下正身犯積匪者實發新疆

一拏獲逃人不將實在窩留之人指出再行妄扳者實

發新疆

一發遣雲貴兩廣烟瘴偷創人參人犯在配脫逃者實

發新疆

一盛京旗下家奴爲匪逃走犯至二次者實發新疆

一派往各省駐防滿洲兵丁臨行及中途脫逃者實發新

疆

一用藥迷人甫經習學卽行敗露者實發新疆

一用藥迷人已經得財爲從者實發新疆

一聞省不法棍徒引誘偷渡之人包攬過臺中途謀害人未死爲從同謀者實發新疆

一應發極邊烟瘴罪人事發在逃被獲時有拒捕者實發新疆

一開窰誘取婦人子女勒賣爲從者實發新疆

一族人犯罪發遣

赦回又生事故者實發新疆

一永遠枷號人犯已逾十年原擬死罪並應發新疆黑龍江者實發新疆

一 大夥梟徒拒捕傷差案內之壯丁擒獲者實發新疆

一 軍營逃兵在軍務未竣以前投首者實發新疆

一 軍營脫逃餘丁被獲者實發新疆

一 用藥逃人被逃之人當時知覺未經受累者實發新
疆

一 聚眾奪犯殺差案內隨同拒捕未經毆人或傷者實

發新疆

一 川省匪徒在野攔搶四人至九人未經傷人者實發

新疆

臺灣無籍遊民兇惡不法犯該徒罪以上情重者實
發新疆

一賊犯犯罪事發抗拒殺差案內爲從在場助勢者實
發新疆

一罪囚越獄脫逃三人以上原犯徒罪爲從及杖笞爲
首並一二人原犯軍流爲從及徒罪爲首者實發新
疆

一洋盜案內被脅服役者實發新疆

一幕友長隨書役等倚官長爲暴及本官罪應軍流以

上與同罪者實發新疆

一 新疆兵丁跟役如有酗酒滋事互相調發者實發新疆

○ 酌擬遺犯情節較輕准其開登二十二條

一 搶竊滿貫擬絞秋審緩決一次者改發內地

一 竊盜三犯贓至五十兩以上擬絞秋審緩決一次者

改發內地

一 內地民人在新疆犯至軍流互相調發者實發新疆

一 刑誘包攬偷渡過臺招集男婦至三十人以上者實

發新疆

一調姦未成和息後因人耻笑復追悔抱忿自盡致死

二命者實發新疆

一行營金刃傷人者實發新疆

一押解新疆遺犯脫逃限滿無獲爲首情重者實發新

疆

一川省匪徒在野攔搶十人以上被脅隨行者實發新

疆

一兇徒因事忿爭執持軍器毆入致篤疾者實發新疆

一夥衆搶去良人子弟強行雞姦之餘犯問擬發遣者
實發新疆

一三次犯竊計賊五十兩以下至三十兩者改發內地
一三十兩以下至十兩者改發內地
一竊賊數多罪應滿流者改發內地

一搶奪金刃傷人及折傷下手爲從者改發內地
一發掘他人墳塚見棺槨爲首及開棺見屍爲從一次
者改發內地

一竊棺見屍二次爲從者改發內地

一竊盜臨時拒捕傷非金刃傷輕平復者改發內地

一搶奪傷人傷非金刃傷輕平復者改發內地

一積匪猾賊及窩留者改發內地

一回民犯竊結夥三人以上及執持繩鞭器械者改發

內地

一旗人逃走在二月內自行投回及拿獲者實發新疆

一行竊軍犯在配復行竊者改發內地

一酌擬改遣人犯原犯情節較重如有脫逃仍行正法

三條

一竊盜臨時拒捕傷非金刃傷輕平復者

一搶奪傷人傷非金刃傷輕平復者

一同民犯竊結夥三人以上及執持繩鞭器械者

○酌擬改遣人犯原犯情節較輕如有脫逃加二等調

發十條

一搶竊滿貫擬絞秋審緩決一次者

一竊盜二犯贓至五十兩以上擬較秋審緩決一次者

一三次犯竊計贓五十兩以下至三十兩者

一三十兩以下至十兩者

一竊盜賊數多罪應滿流者

一搶奪金刃傷人及折傷下手爲從者

一發掘他人墳塚見棺槨爲首及開棺槨見屍爲從一

次者

一開棺見屍二次爲從者

一積匪猾賊及窩留者

二行竊軍犯在配復行竊者

緩決可矜命案應留養者定案時卽取結聲請
其介在寬緩之間者仍俟秋審辦理

刑部爲通行事浙江司案呈江蘇司傳按相應抄單
行文浙撫轉行杭州將軍乍浦副都統一體遵辦可
也計結單內開刑部等衙門謹

奏爲請復留養舊例以廣

皇仁事刑科抄出陞任江蘇巡撫費題盛大推跌許載
隴致傷身死一案嘉慶四年三月初二日奉

旨三法司核擬具奏欽此臣等會議得據陞任江蘇巡撫

賈 躡稱盛大籍隸吳縣與許載隴素識無嫌嘉慶
三年七月二十五日盛大同許載隴包和尚至姚二
觀茶館吃茶包和尚向許載隴借錢許載隴不允包
和尚斥詈許載隴撲上欲毆盛大上前攔勸許載隴
斥其幫護舉拳向打盛大閃避用手回推許載隴站
立不穩側跌在木槌上硃傷左乳連左肋經姚二觀
勸散詎許載隴傷重延至八月初六日殞命報驗訊
詳提犯審供不諱實係推跌致傷並非有心欲殺將
盛大依律擬絞監候聲明盛大有祖母江氏現年八

十二歲母范氏現年七十歲家無次丁已死之許載
龐父母俱故並無應侍之親取具各舖與蕭養之例
相符候秋審時再行取結辦理等因具

題前來查死罪人犯有祖父父母考終及婦孺守節
已逾二十年家無次丁例得枷資發落存爾後親原
以其親之寡獨無依特加矜恤爲

叩朝法外之仁非因正犯之情罪可恕故從寬典也是以
乾隆十六年蕭楊凡關殺案內理應斬絞及戲殺解
發等案俱有先請養恤情至孝也著將蕭楊再行

辦另冊進呈是屬緩情輕之案本得據案聲請留養
迨三十一年定例僅准將賊殺護親之案于本內聲
請留養其圖殺之案無論情節輕重概俟秋審時取
結報部會核進呈原爲慎重刑章起見惟以情節本
輕應入緩決可矜之案若必待秋審時始行核難留
後在本犯身罹死罪卽監禁逾時尚屬罪所應得而
其老病之親桑榆暮景舉目無親情殊可憫且往往
有本案題結在本年秋審截止期後必俟至次年秋
審始得核辦者卽如現在江蘇省盛大一案其祖

現在八十二歲母年七十歲該省秋審係二月初十日截止臣部題覆已在截止期後應入下年秋審辦理以兩世笄癸之老婦風燭堪虞若待至兩年始得

遞

恩留養恐其子未山園園而其親已填溝壑是

曠典竟成虛設殊非

國家錫類推仁之本意應請嗣後除有關倫理及忘親不孝並被殺之家亦係獨子有應待之親者仍照舊不唯留養外其鬪殺情輕之案以及擅殺罪人並無

關人命應擬死罪人犯按其情節應入緩決可矜者如係親老丁單孀婦獨子仍照乾隆十六年舊例該督撫于定案時卽取具各結一體隨本聲請准其留登法司亦卽隨案題覆毋庸候至秋審時始行核辦其有介在實緩之間者取具各結本內祇聲明應侍緣由俟秋審時再行取結報部會同九鄉彙核另冊進

呈恭候

欽定以廣矜恤而昭慎重至夫毆妻致死應行承祀之案

亦照聞殺例分別情節輕重辦理如蒙

俞允所有此案盛大毆死許藍隴應如該撫所題依律擬
絞監候核其情節尚輕既據該撫聲明該犯親老丁
單並據取其各結應請卽准其留養照例枷號兩個
月責四十板存留養親仍追埋塋銀兩給付屍親收
領並將各結送部備案將杖之包和尙等均應如該
撫所題完結並通行直省各督撫將軍府尹一體遵
照部行例冊內更正請明以便引用謹會同都察
院大理寺合詞具

奏請

旨等因嘉慶四年三月二十日奉本日奉

旨依議欽此

連斃二命秋審情實無疑之案照謀故殺例雖
親老丁單毋庸聲明應侍緣由

刑部爲通行事陝西巡撫台 題前事嘉慶五年九
月二十七日奉

旨三法司核擬具奏欽此本部會同吏部兵部院寺會看
得岐山縣客民段青亮扎傷梁才李世乾先後身死
一案據陝撫台 疏稱段青亮籍隸山西太谷縣來
該縣高馬村開酒舖生理與梁才李世乾素識無嫌
嘉慶四年七月三十日晚梁才李世乾董玉先後至

段青亮酒舖沽飲梁才談及前在路上拾獲骰子三顆李世乾起意賭博並邀段青亮同賭俱各允從梁才李世乾段青亮各出錢三百文董玉出錢一百文擲賭天明散場段青亮輸欠梁才錢七千六百文董玉贏錢一百三十文李世乾並無輸贏梁才卽向段青亮逼索輸賬段青亮給銀七兩四錢找錢五十文清還各散八月初二日傍晚李世乾約同梁才董玉至段青亮舖內又邀段青亮同賭各出錢二百文共坐炕上擲骰至二更散場董玉贏錢四百文段青亮

羸梁才錢三千文李世乾八百文當面討梁才等
推緩段青亮不依彼此爭罵李世乾生氣將骰碗摔
碎拾起炕上矛頭向段青亮撲扎段青亮閃避接住
矛頭扭奪李世乾失足側跌炕邊段青亮奪住矛頭
順手扎傷李世乾右臂梁才從炕上撲下欲毆段青
亮用矛頭嚇抵梁才攔前勢猛段青亮收手不及致
傷梁才小腹倒地董玉下炕從段青亮背後拍性喊
叫段青亮掙不脫身一時情急用右手倒執矛頭向
後嚇扎致傷董玉右腿董玉鬆手跌倒破情亮當即

走開隣人李毛腿聞聲趨至問明情由喚同段青亮
扶救梁才傷重次早殞命報驗飭醫調治李世乾董
玉傷痕詎李世乾傷處潰爛延至八月二十五日因
傷身死復經驗訊審認不諱詰非有心致死亦無開
場窩賭情事案無遁飾董玉傷已平復查梁才李世
乾並非一家應仍照毆殺本律從一科斷段青亮除
刃傷董玉平復及賭博各輕罪不議外應依律擬絞
監候董玉等擬以枷杖笞責等因具

題前來據此應如該撫所題段青亮合依窩賭殺人者

不問手足他物金刃並絞監候律擬絞監候秋後處
決該撫既稱董玉合依賭博例枷號兩個月杖一百
鄉約李作世訊非知情狗隱應照繩甲失察例笞五
十事犯到官在嘉慶四年十一月二十七日欽奉

恩詔以前董玉枷杖李作世皆罪均應寬免董玉先後贏
錢五百二十文同段青亮攤場錢文入官其餘虛賬
及梁才所贏銀兩業已身死均應免追鄰佑李毛腿
救阻不及亦無知情狗隱賭博情事應免置議賭具
骰子訊係梁才在路檢拾業已撥棄免其查追無干

省釋再查段青亮供稱該犯之父段玉全現年七十歲家無次丁候關查原籍太谷縣查取供結另行申賚秋審時再行取結辦理等語查臣部向來留養之案如有父母老疾應侍者除謀故殺等案不准聲明應侍緣由外其餘殺誤殺及鬪毆情輕各案俱准隨案聲請留養至情節較重審無謀故別情者該督撫於定案時將應侍緣由聲明俟秋審時取結報部分別辦理至刃斃二命之案因例內並無不准聲敘應侍緣由明文向俱於原題內聲敘俟秋審時再行

辦理此案段青亮刃斃二命情節較重卽秋審會核時亦係必入情實之案若仍照向例俟秋審時取結辦理輾轉行查徒繁案牘應請嗣後凡遇此等連斃二命秋審應入情實無疑之案照謀故殺例雖親老丁單定案時均毋庸聲明應侍緣由以歸簡易如蒙俞允臣部載入例冊并通行各督撫將軍都統一體遵照辦理所有段青亮一案卽照此例毋庸查辦餘均應如該撫所

題完結等因嘉慶六年正月二十七日題二十九日奉

旨殷青亮依擬應綬着監候秋後座決餘依議欽此

毆死有服尊長情節無可矜憫者親老丁單不
准一概聲請留養

刑部咨開刑科抄出江西巡撫秦 題前事等因嘉
慶八年閏二月二十一日題四月初九日奉

旨三法司核擬具奏欽此本部會同院寺會看得廬陵縣
民吳象理戳傷鄉麻服兄吳象炳身死一案據江西
巡撫秦 疏稱緣吳象理與吳象炳素好無嫌吳象
理等有公共魚塘一口舊養草魚議定每年打撈均
分塘內小魚向該兩家各自撈取並不禁止嘉慶七

年六月十三日吳象理在塘內撈取小魚適吳象炳
手攜小刀往田挖菜路過看見聲音吳象理撈魚過
多向其索分吳象理不依致相爭鬧吳象炳用小刀
向戳吳象理奪過小刀戳傷吳象炳左肩甲吳象炳
用拳打傷吳象理右眼眉吳象理閃至吳象炳身後
用刀戳傷吳象炳脊背吳象炳轉身撲攏奪刀吳象
理情急用刀嚇戳冀其退避不期失手致傷吳象炳
心坎倒地經謝兆理勸散扶回詎吳象炳傷重逾時
殞命報驗訊詳飭審據供前情不諱究非有心致死

查已死吳象炳係吳象理總麻服兄吳象理傷已平復將吳象理依律擬斬監候等因具

題前來據此應如該撫所題吳象理合依卑幼毆本宗總麻兄死者斬監候律擬斬監候秋後處決該撫既稱謝兆理救阻不及免其置議公塘小魚仍聽兩家各自撈取蓄養草魚打撈均分毋許混爭滋事等語均應如該撫所題完結再該撫疏稱吳象理之父吳最詹現年七十九歲止生該犯一子家無次丁已死吳象炳亦係獨子但父母已故並無應侍之親相應

聲明等語查例載毆殺大功以下尊長者皆按律定擬概不准聲請留養若按其所犯情節實可矜憫者該督撫於疏內聲明恭候

欽定等語是毆死有服尊長之案如所犯情節實可矜憫者始准於疏內敘明聲請留養若情節本無可原自應按律定擬概不准遽行聲敘此案吳象理撈取公共塘魚總麻服兄吳象炳索分不允吳象炳用刀向戳吳象理奪刀回戳先後致傷吳象炳左肩甲脊背心坎等處殞命是吳象理衅因伊兄索分公共塘魚

事屬細微輒敢奪刀回扎金刃三傷其情無可矜憫
例不准畱養該撫疏內聲明該犯親老丁單之處與
例不符應毋庸議再查有關服制之案應否聲請畱
養例有明文外省問刑衙門辦理毋致參差應通行
直省各督撫將軍遇有毆死有服尊長親老丁單之
案務遵照定例辦理毋得岐異等因嘉慶八年六月
二十六日題二十八日奉

旨吳象理依擬應斬着監候秋後處決餘依議欽此

兇犯有無祖父母父母兄弟子姪及年歲若干
詳敘毋漏以憑秋審時分別罰養

刑部爲遵例等事刑科抄出四川總督勒 題前事
等因嘉慶八年正月二十四日題三月初一日奉

旨該部核議具奏欽此欽遵該_臣等議得據四川總督勒

疏稱嘉慶五年九月二十九日奉准部咨嗣後遇
有定案後補請罰養之案俱令彙疏具題茲據代辦
按察使鹽茶道姚令儀查明崇慶州已入秋審孫全
惠因伊兄孫全義與丁榮口角將丁榮毆傷身死孫

全惠上前幫護亦將李順戳傷身死均擬絞已入
次秋審緩決之犯成招時原供伊母李氏年七十三
歲弟兄二人孫全義生有三子孫全惠生有兩子今
據該州訊明該犯之母李氏現年七十八歲該犯孫
全義長次兩子及孫全惠長子均已先後病故孫全
義現在第三子孫玉才與孫全惠第二子孫玉棟俱
年尚幼穉均未成丁亦無子姪出繼可以歸宗之人
查被殺之家均無父母該犯之母李氏既願次子孫
全惠存留養親應聽其便又謝大篙因戳傷雷春德

身死擬絞已入三次秋審緩決之犯成招時原供伊
弟兄三人娶妻陳氏沒有生子今據該州訊明該犯
之父謝文學現年七十一歲伊弟謝大有謝大臣均
已病故並無子姪出繼可以歸宗之人查明被殺之
雷春德現有弟兄並非獨子又聞中縣杜祥林因踢
傷王雙琥身死擬絞已入初次秋審之犯成招時原
供父故母存兄弟二人娶妻劉氏並無生育今據該
縣訊明該犯之母王氏現年七十歲伊弟杜應生病
止有該犯一人家無次丁及子姪出繼可以歸宗

刑部彙編卷之二
三
之人查明被殺之王雙琥先有父母嗣已病故均與
畱養之例相符照例補請畱養查取各結送部等因
具

題前來查例載開殺情輕各犯定案時犯親年歲不符
原題未經聲明應候秋審後核其祖父母父母現已
老疾或成招時家有次丁嗣經身故及被殺之家先
有父母嗣已物故與畱養之例相符令各省督撫查
明已入秋審緩決者刑部核明題覆准其畱養又凡
開毆命案於相驗時即將兇犯有無祖父母父母老

矣及該犯是否獨子訊証明確一併詳報定案又定
案之初不遵例取具有無祖父母父母兄弟子姪及
年歲若干確供者承審之員照軍流等犯未經審出
實情例議處各等語是審理命案於犯人到官之初
卽應將有無父母年歲若干之處詳細確敘秋審後
照例補請留養卽可檢核原案供招辦理以杜捏飾
等弊此案孫全惠謝文簡杜祥林三犯臣部查核各
案原供係全惠杜祥林俱供父母存兄弟二人均
未敘及母年歲謝文簡原供內並未聲敘有無或

母今該督以該犯筆跡老丁單補請留養核與原案
供招迥不相符查該督於定案之初既不遵例詳敘
事隔數載忽以舊案題請該督究係憑何辦理臣部
未便率覆應令該督查核明確聲覆具題到日再行
核議並查取從前遺漏職名咨送吏部議處仍請通
行各省督撫將軍轉飭各該州縣嗣後凡遇命案承
審官務宜遵照定例將兇犯有無祖父母父母弟兄
子姪及年歲若干於相驗時訊報定案供招亦即詳
細聲敘毋得遺漏如並不訊報詳敘該督撫卽行指

卷之三

叅若各督撫並不詳查經臣部查出亦卽隨疏附叅
等因嘉慶八年五月十四日題十六日奉

旨依議欽此



盜夥逃逸十年之後始行投首仍照聞拿投首
情有可原例發遣爲奴併奉部議命盜案內由
死罪減爲發遣軍流者俱專本具題不得咨部
彙題完結

刑部抄出前任廣西巡撫成 題前事等因嘉慶二
年四月十八日題五月二十一日奉

旨三法司核議具奏欽此本部會同院寺會看得藤縣民
霍士遠家被劫案內逸犯梁亞陳自行投首一案據
廣西巡撫成疏稱經 梁亞陳 梁亞忠 幼習裁縫

手藝與已發獲之

霍儒滔夥盜朱更幅及監禁

之朱全德並續獲已正法之謝亞三素相熟識該犯
梁亞陳先於乾隆四十九年二月十九日聽從梁亞
本行芻麥霍氏家衣飾錢文報經前典史李明山獲
犯解縣經前縣丁雲銘估贓四十一兩零審擬杖笞
通詳批結發落在案乾隆五十一年十一月十六日
霍儒滔朱更幅朱全德先後至該犯梁亞陳家閉坐
各道貧難霍儒滔稔知霍士遠家有積蓄起意糾夥
行劫得贓分用約定十七日晚仍至梁亞陳家會齊

各犯允從至期梁亞陳又轉糾謝亞三入夥霍儒滔
先在朱全德家携帶燈籠一個梁亞陳帶口袋二隻
并煤筒香火謝亞三在梁亞陳家取麻繩二條朱更
幅朱全德徒手一共五人二更時分齊抵事主門首
霍儒滔將燈籠遞與梁亞陳點燃隨手接過口袋令
朱更幅朱全德在外瞭望接駐霍儒滔謝亞三與該
犯梁亞陳開闢事主大門一擁進屋事主霍士遠聲
喊有賊往外跑走謝亞三趕出門外將霍士遠用繩
捆縛轉身進屋與霍儒滔等掠取贓物陸續遞交朱

一 順德全德接收分指至大塘勝地方檢分餘剩衣褲十二件首飾十五支手鐲一對交給朱全德賣錢續分梁亞陳與謝亞三指分受稻穀花生擡赴梁亞陳家一同藏放梁亞陳又將藤褲鞋底鞋面紅白零布交伊母梁馬氏收存攜帶取分銀錢衣褲與謝亞三分路躲避嗣朱全德將前項衣飾賣出各犯又續分錢九百六十文各自逃散因事主開門時聞有梁亞陳聲音指名報縣當經前署縣陳夢龍委典史李明由在於梁亞陳家起獲原贓藤褲鞋底鞋面及紅

白零布稻穀等物差傳事主認明給領旋於疎防限
內據盜首霍儒滔聞拿投首供先後緝獲夥盜朱更
福朱全德二名朱全德一名在監病故將霍儒滔朱
更福二名審擬發遣在案嗣于乾隆五十二年四月
內逸盜謝亞三被廣東原籍龍川縣拿獲遞解至三
水縣途次脫逃于十二月二十九日經三水縣差役
緝至四川三台縣協同兵役捉獲解回廣西省審辦
擬斬梟示肅在案尚有夥盜梁亞陳卽梁漢忠一名
未獲屢經前縣及該縣節次比捕勒緝該犯逃赴廣

東高廉一帶地方改易姓名且間在鄉村求乞夜宿
空廟山巖並無一定住址因事隔多年欲回家探望
伊母于嘉慶元年八月二十五日定更時分潛回至
家低聲喊門經伊母梁馬氏開門放入深恨該犯逃
後該氏不論耕工求乞常被兵役查問繼念痛罵不
肯容畱并稱現有兵役嚴拿催促出門俾免受累該
犯以事越十載尚在嚴拿自揣難逃立意投首當夜
離家赴縣於二十六日乘該縣踏勘田土在于燭筒
墟途次輿前自行投首差傳該犯之母梁馬氏質訊

相符錄供通詳飭審據供前情不諱核與原案脗合
詰無另有窩夥竊刦別案逃後亦無行兇爲匪及知
情容留之人矢口不移其所分原贓膝褲等物先經
前縣起獲給主認領正盜無疑將梁匪陳卽梁漢忠
照例發黑龍江爲奴不准援

赦免罪等因具

題前來查律載強盜已行而但得財者不分首從皆斬
又例載夥盜曾經傷人及行刦二次以上如係聞拿
投首照情有可原例發遣各等語此案先據該撫疏

稱盜首霍儒酒聞拿投首并先後緝拿夥盜朱更幅
朱全德二名將儒酒朱更幅審擬發遣并聲明朱
全德業已亡監病故等因具題業經臣部照擬

題覆並令飭緝逸盜謝亞三梁亞陳務獲另結嗣據
廣東省續獲逸盜謝亞三因押解在途脫逃旋復獲
解經該撫審擬斬梟具題亦經臣部核擬題覆各在
案今據該撫題報盜犯梁亞陳卽梁漢忠係聽從霍
儒酒轉糾謝亞三入夥行劫一次入室搜賍律應斬
決但已聞拿投首自應照例定擬梁亞陳卽梁漢忠

應如該撫所題照夥盜曾經傷人聞拿投首照情有
可原發遣例發黑龍江等處給披甲人爲奴解部轉
發雖事犯在嘉慶元年正月初一日及本年四月二
十二日兩次

懇赦以前但該犯在逃十年之久始行聞拿投首應不准
其援免該撫疏稱該犯名下所分贓物原估銀二兩
九錢零除前縣起獲藤褲稻穀等物抵贓銀四錢外
尚有花消贓銀二兩五錢零該犯現有草房一間飭
令地保變賣照數給主具領其上蓋贓所攜煤筒口

袋據供棄毀應免追蹤買贓不知姓名人並免查拘
該犯並無父兄毋庸置議至該犯之母馬氏於伊子
逃後回家卽行斥罵不宥容畱其於從前梁亞陳行
刦之時收存膝襖等項雖據供並不知行刦情事但
既藏匿贓物卽屬不合係婦人事在

赦前應免置議失察爲盜之牌頭保甲先經擬結亦無庸
議等語均應如該撫所題完結再查命盜案內由死
罪減爲發遣軍流人犯與原犯軍流發遣者不同自
應專本具題今該撫以聞拿投首罪應發遣逃犯梁

亞陳一案專本具題自足以昭慎重惟查各省辦理此等聞拿投首盜犯及共毆案內原謀併助毆傷重之犯監斃在獄或解審中途病故將律應擬抵正兇減等擬流等項並罪應斬絞梟示人犯病故各案有專本具題者亦有因同案內無死罪人犯咨部彙題者未能畫一與其逐案駁改莫若立定章程以便遵辦應請嗣後除罪應斬絞及例應戮屍梟示人犯在監病故之人犯既伏冥誅罪名毋庸核擬止應照例辦理隨案咨報毋庸專本具題外其餘凡命盜案內

本例由死罪減爲發遣軍流者俱照廣西省專本具
題不得因同案內無死罪人犯卽行咨部彙題完結
以歸畫一如蒙

俞允臣部通行各督撫將軍一體遵照辦理等因嘉慶二
年閏六月十五日題十八日奉

旨依議欽此

身兼二罪俱各斬決者加擬梟示

刑科抄出江西巡撫秦 題前事等因嘉慶九年二

月十四日題三月十五日奉

旨三法司核擬具奏欽此本部會同院寺會看得龍南縣
民繆細妹毆傷小功堂兄繆三康身死繆細妹之母
黃氏自縊身死一案據江西巡撫秦 疏稱緣繆細
妹與繆三康素好無嫌嘉慶七年繆細妹家輪管祭
產繆三康佃種祭田欠少租穀一石屢討無償八年
七月初九日繆三康在公所祭祀繆細妹之母黃氏

向索租欠繆三康聲言黃氏不應催逼致相爭鬧繆
細妹旁觀解說繆三康不是舉拳打傷繆細妹左腮
腴繆細妹拾柴棍回格適傷繆三康左額角倒地經
繆斯會見勸詎繆三康傷重至夜殞命黃氏畏累亦
卽於是夜在房自縊身死繆細妹逃避報縣詣驗詳
緝獲犯訊詳飭審據供前情不諱詰非有心致死逃
後亦無行兇爲匪及知情容留之人查已死繆三康
係繆細妹小功堂兄將繆細妹依律擬斬立決照例
先行刺字等因具

題前來據此應如該撫所題繆細妹合依卑幼毆本宗
小功尊屬身死者斬律擬斬立決又致母黃氏畏累
自縊按律應照本犯罪名擬以立決今該犯本罪已
間擬斬決應毋庸再議該撫既稱繆斯會救阻不及
應毋庸議繆三康欠租身死勿徵等語均應如該撫
所題完結等因嘉慶九年五月二十六日題二十八
日奉

旨此案繆細妹回毆小功服兄繆三康至死律應斬決又
致母黃氏畏累自縊例應照本犯罪名擬以立決該犯

身兼二罪問擬斬決已無可復加但該犯祇科毆死服兄之罪已應斬決又因逞忿累及所生不可不量加嚴辦以昭區別繆細妹着卽處斬仍於犯事地方梟示俾鄉愚觸目咸知儆戒嗣後有身兼二罪俱應斬決者均加擬梟示着刑部纂入例條用示明刑弼教之意餘依議欽此

攬和私錢行使之犯停發回疆仍發黑龍江爲

奴

刑部爲稟報事浙江司案呈據浙江巡撫王 春稱

麗水縣拿獲平陽縣民余世盛等攬和小錢欲圖行

使一案緣余世盛籍隸平陽向在安撫販賣茶盤于

乾隆五十四年間回籍開張雜貨店生理

在店帮夥與鄰日本施沅茂鄰居交好嘉慶元年才

正月間余世盛虧本歇業陸續積存小錢因十餘年

食圖費用未經繳銷嘉慶二年四月二十七日

轉報統轄曉諭

本與施沅茂同至余世盛家閑談余世盛言及小錢
本省嚴禁雜用從前在安徽地方置買過茶筴起意
運往彼處攬和置買鄭日本施沅茂亦俱積有小錢
懇余世盛帶往攬用余世盛應允約定五月初六日
起身鄭日本將小錢七千二百文施沅茂將小錢三
十五千文大錢四十千文均交余世盛收存余世盛
隨將自己小錢四十五千攬和太錢六十千文共計
大小錢一百八十七千二百文分作四十二包子五
月初六日令余上志僱施勝環之船裝載并余上志

同往照料一其四入下船開行施勝環並不知情十
一日船至麗水縣河下地方停泊即經巡查兵役盤
獲稟縣起出小錢訛詳飭審據將陸續積存小錢起
意攙和行使及聽從搭運各情供認不諱究無積慣
興販及私鑄收買情事查余世盛等攙和私錢雖尚
未行使但當嚴禁小錢之時不即照例呈繳希圖截
往他省攙用未便輕縱此案係余世盛起意攙和行
使鄭日本施沅茂聽從附搭應分別首從定擬余世
盛一犯應請照經紀舖戶人等攙和私錢行使者案

論錢數多寡發雲貴兩廣烟瘴少輕地方充軍例發雲貴兩廣烟瘴少輕地方充軍仍遵

台改發回城給回子爲奴鄭日本施沅茂將積存小錢附搭余世盛攙用未便僅照爲從擬徒應從重改爲杖一百流二千里發配折責安置余上志雖聽從同行照料但該犯並無小錢附搭行用若與鄭日本等一律擬流未免情輕法重余上志一犯應請於鄭日本等流罪上量減一等杖一百徒三年定地發配折責安置船戶施勝環雖訛非知情受僱但並不查明混

行攬覈究有不合應照不應重律杖八十折責三十板起獲小錢解局銷燬大錢一百千文入官充公所
有承審遲延逾分限不及一月職名係麗水縣知縣
邵培惠等因抄招咨達前來查乾隆六十年正月內
湖廣總督福 等奏王和茂等販賣小錢一案欽奉
諭旨將王和茂王泳茂分發同城給回子爲奴此是奉

特旨發往並無永著爲例之文又本年二月內喀什噶爾
辦事大臣長 等奏發遣回疆人犯過多請將詳盜
案內發遣爲奴人犯改發伊犁烏魯木齊等處爲奴

經軍機大臣會同本部議准奏覆通行各省在案是
應發回疆之犯業因該處犯多奏明改發伊犁等處
此案余世盛攙和小錢行使該撫擬發回疆爲奴雖
屬遵照前奉

諭旨辦理但查原奉

諭旨並未指明嗣後照此辦理且回疆遭犯業已過多亦
未便再行發往查攙和私錢行使應發雲貴兩廣烟
瘴少輕之例原由黑龍江改發今當嚴禁小錢之際
若竟改發內地似覺輕縱不足示儆應將余世盛仍

發黑龍江給披甲人爲奴行令該撫卽由本省將該犯照例面刺黑龍江地名徑行發往該處爲奴毋庸解部轉發其餘鄭日本施沅茂余上志施勝環等均應如該撫所咨完結仍令照例彙題至議處文職事隸吏部應將原咨抄招揭送吏部查議可也等因于嘉慶三年正月十二日浙省准咨

應發新疆及由新疆改發內地人犯願否攜帶
妻室子女各聽其便不必官爲資送

刑部爲被竊拒傷事據原任江蘇巡撫宗室宜興咨
稱震澤縣賊犯王阿狗等行竊拒傷事主吳國畛之
子吳二觀一案緣王阿狗與同姓不宗之王二卽太
湖老大均籍隸吳江素未犯案嘉慶三年十二月二
十三日王阿狗會遇王二各道貧難王阿狗起意糾
竊事主吳國畛家王二允從卽於是夜坐王阿狗漁
船令王阿狗之弟王四搖船一共三人搖至事主附

近蕩河停泊雷王阿四看船王阿狗同王二上岸借
至事主屋旁先在棚內竊得活猪三口擲放船內王
阿狗欲行再竊復同王二至事主家王阿狗拾取竹
片撥門進內竊取蠶絲事主吳國珍驚覺喊叫王阿
狗等攜賊奔逃吳國珍之子吳二觀聞喊起捕追至
河邊見賊已上船扳住船喊捉王二畏懼躲入船內
王阿狗情急卽取撐船木梢毆傷吳二觀左右額角
倒地開船逃逸將賍變分而散事主報縣勘驗差緝
獲犯訊供通詳飭審詳解提犯研鞫據將起意行竊

得贓拒捕各情供認不諱究無窩夥竊刦別案贓雖
無起但犯供及買贓之趙康加供明確鑒正賊無疑
此案計贓八兩零係王阿狗起意爲首王二爲從查
王阿狗攜贓回船因吳二觀追至輒用木梢毆傷吳
二觀額角實屬護贓王阿狗合依竊盜臨時拒捕傷
非金刃傷輕平復之首犯發邊遠充軍例發邊遠充
軍到配杖一百折責安置照例刺字并刺改遣二字
王二當吳二觀追捕之時卽躲入船內並未幫同拒
捕仍按本律科斷合依竊盜贓一兩以上杖七十爲

從減一等律杖六十折責刺臂不知情誤買贓猪之
趙康加業經織價給主應免置議餘無同居親屬知
情分贓牌甲得規容隱情事吳二觀傷已平復均無
庸議未起各贓照估追賠逸犯王四飭緝獲日另結
擬合咨達等因前來查本年五月內本部議覆伊犁
將軍保條奏將前經改發內地之竊盜臨時拒捕
傷非金刃傷輕平復之首犯等六項俱仍發新疆等
處當差等因奏准通行在案今王阿狗係竊盜臨時
拒捕傷非金刃傷輕平復之首犯應照現奏章程發

新疆等處當差行令該撫將該犯發遣伊犁交該將
軍酌發當差照例面刺外遣仍盡本法刺窃盜二字
餘均應如該撫所咨完結仍令照例稟題逸賊王四
應令該撫飭緝務獲審擬另結再查乾隆三十一年
雅爾辦事大臣阿 條奏新疆等處地方遼濶需人
屯種請將應行發遣之人同妻子一并發往俾各犯
等攜帶家口既可廣其滋生以實邊境且使有所羈
免致脫逃等因經大學士公傳 會同本部議准應
發烏魯木齊等處人犯除伊妻實係殘廢篤疾或年

逾六十及該犯父母老疾應畱侍養者取具地方官
切實印結准其免遣外其餘一概遣妻發配如有情
願攜帶子女者一體官爲資送等因纂入例冊遵行
在案定例之始原爲充實新疆起見隨時制宜並非
罪及其孥子特爲僉遣也迄今三十餘年新疆等處
生齒日增在邊陲之土地既不慮屯種乏人則無罪
之妻自不應牽連發配且現經本部議將前經改發
內地之積匪猾賊等六項人犯俱發新疆計每年外
遣之犯人數衆多若必逐案僉妻在原籍旣多取結

查辦之繁而沿途亦滋官爲資送之擾自應通融籌辦嗣後除應發新疆及由新疆改發內地人犯不論伊妻是否篤疾該犯有無父母均不必僉妻發配其有情願攜帶妻室子女者仍各聽其隨帶毋庸官爲資送庶足以示矜卹而省紛擾所有此案王阿狗有妻金氏應令該撫轉飭訊明該犯願否攜帶照此辦理仍通行直省各督撫將軍府尹一體遵辦併纂入例冊遵行可也嘉慶四年十月部行

長隨捏充吏員冒濫入仕除未仕賄囑已仕利
歟各罪不計外比例問發充軍

成親王永 等謹 奏爲遵

旨審擬具

奏事據湖廣道監察御史汪鏞參奏署歷城縣知縣熊
官梅係長隨出身以張官梅名姓由懷柔縣書吏報
滿復改熊姓難保無頂冒情節改姓時履歷內並無
親老後復呈稱母老改近凡蒞任各處無不聲名狼
籍現在卽有汶上縣民人在省控告浮收勒派之案

應詣嚴飭查辦等因請叅 奏奉

旨熊官梅著革職解京交軍機大臣會同刑部審擬具奏
欽此當卽飛咨山東巡撫將熊官梅解部審訊並查
熊官梅浮收勒派及聲名狼籍之處速行咨覆一面
飭行順天府吊取熊官梅着役出身全案送部旋准
順天府送到各卷宗臣等查得張官梅復姓歸宗縣
卷內註明母杜氏存而府卷內註明母杜氏歿府縣
卷所註存歿不符情弊顯然復又扎直順天府據該
府尹等查出有順天府已滿書吏陳三卽陳方於同

王九郎王日昇赴懷柔縣賄通該縣吏房鍾大年等
補寫張官梅復姓歸宗底卷 奏請將知縣張景芝

革職同鍾大年等一併送部正在審訊間又據山東
省貢生韓貫一以汶上縣漕書王克敏等慝恩熊官

梅浮收漕米重派河工夫價等情赴都察院衙門具
控經該衙門 奏交歸案審辦復飛咨署山東巡撫

岳 將韓貫一所控之倉書王克敏等並卷宗一併

解京質訊飭查熊官梅有無親母杜氏在東訊取確

供咨覆併牌行五城緝拿陳三嗣據該署撫岳 將

王克敏等並卷宗解送到部並據訊明熊杜氏供稱
熊官梅係伊親子屬實自幼過繼與張士成爲子於
乾隆五十二年歸宗復姓並無虛捏等情咨覆前來
臣等將各犯隔別研訊緣熊官梅祖籍江西德化縣
自幼出繼與表叔張士成爲子隨從其姓寄籍順天
四十五六等年熊官梅赴山東爲曹縣胡京汶上縣
郝恕士及章邱縣富爾遜等處辦理差務工程高唐
州張度係在河工見過未經代伊辦事乾隆五十二
年張士成來京因曾在前任懷柔縣蔡若朶州判任

內作幕許送銀六十兩託蔡若采爲熊官梅捏報滿
吏希圖考職若采允許隨爲捏詳順天府咨送吏部
考職正八品五十二年張士成生子張官堂卽令其
復姓歸宗熊官梅與素識之王九商辦知王九有堂
兄王紹麟在懷柔縣充當吏房卽煩王九轉托王紹
麟代爲具呈歸宗熊官梅付給履歷三代一紙銀四
十兩托王九轉交王紹麟辦理熊官梅並未親往王
紹麟辦結後將歸宗原案抄寄王九嗣熊官梅加捐
分發呈明親老告近改掣山東借補歷城縣縣丞嘉

慶元年委署汶上縣熊官梅照例捐免坐補原省二年經原任河督李等將熊官梅奏請陞署吏部議

駁奉

特旨准其陞署嗣經御史汪以熊官梅歸宗時並無親老後復呈請改近等情叅奏革職熊官梅卽寄信與王九聲稱此事原係託伊轉交王紹麟所辦何以從前將伊母杜氏悞填已歿囑王九前往懷柔縣查明卷宗如有錯悞之處卽可賄囑書吏改換王九接信後因王紹麟已故與懷柔縣書吏素不認識隨邀

順天府已滿書吏陳三同往懷柔縣查對卷宗陳三
找見素識戶書張國連告知緣由托其取卷查看情
愿送給銀兩張國連卽轉託吏書鍾大年檢查原案
鍾大年查明熊官梅役滿及復姓歸宗原稿因事隔
十年科房卷宗多已破爛令張國連向王九等告知
王九同京在王紹麟舊存箱內檢出從前所寄原底
於二十九日復同陳三至懷柔縣將草底令鍾大年
謄補粘卷其破爛原稿卽行毀棄王九送鍾大年張
國連銀各八兩張國連復令王九出銀轉向該縣管

門家人羅貴說知將案卷送進縣署用印許給銀八兩並許謝知縣銀二十四兩羅貴應允只將補卷情由回稟該縣張景芝並未將許謝銀兩之言向其稟知張景芝始猶未允羅貴復以案卷不全難以申送之言慫恿張景芝恐干處分亦卽應允羅貴卽將案卷送進用印發交此熊官梅賄求懷柔縣捏報滿吏考職復託王紹麟代辦歸宗及王九賄囑補膺卷宗之原委也臣等以熊官梅旣未充當懷柔縣書吏其所考正八品恐另有張官梅其人該犯賄買執照冒

名頂替情事且王九賄囑書吏鍾大年謄寫卷宗其所出賍銀亦必不止此數懷柔縣知縣張景芝亦必有受賄之事必須徹底根究方成信讞當將熊官梅嚴行究訊據供役滿書吏實係繼父張士成因與前任懷柔縣知縣蔡若采做過賓主繼父托蔡若采代我捏報時謝銀六十兩考職正八品銜並非頂替張官梅執照如果另有張官梅其人懷柔縣書吏俱在案下豈有不供出來呢至順天府歸宗卷內所註母杜氏歿之處係屬王紹麟行文時錯寫委無虛捏情

獎並據王九供稱我賄囑鍾大年等銀兩實止四十
八兩我既已供明行賄總是有罪的了今蒙這樣羅
訊還敢不據實供出嗎又據張景芝供稱因案卷不
全恐干處分是以悞聽書吏家人的話補謄用印備
案實不知他們有得賄的事我也實沒有得受銀兩
如果我要得銀豈肯爲二十四兩銀擔此重咎呢復
研訊管門家人羅貴堅稱實係我指官撞騙本官實
不知道如果本官得銀我豈肯替他隱瞞自受重罪
各等語 至韓貫一呈控一案查據署山東巡撫岳

咨稱所控熊官梅一戶濫折七條一欵查汶上縣收
漕係米荳麥三項分由單三紙米有正有耗閏年又
有閏耗米荳有正有耗麥有正無耗共係七欵於由
單分欵開寫單尾仍結明總數花戶完納卽照單內
總數量收並非濫折七條又咨稱完過河工折夫錢
文催令重繳一欵據熊官梅供是嘉慶二年八月間
因曹工漫口挑挖引河需夫孔急奉河督劄飭汶上
縣辦夫一千名赴曹工力作熊官梅以各夫自汶上
抵工計程五日盤費無出互相推諉熊官梅核計每

夫需用大錢三百文沿河數村約地一千畝令每畝
派出大錢三十文交存保長給與愿去之人以作盤
纏嗣因保長所催之錢未能足數經熊官梅捐廉奏
發其轉付韓興武單重複之處係韓興武兩次承攬
僱夫是以給與執照兩紙並非重複至浮收漕糧一
節係漕書閻學會將徵冊內毘連韓有仁前一戶王
天興名下未完嘉慶元年米數誤填入韓有仁單尾
韓有仁卽照單完納閻學會銷號時查出稟明熊官
梅批傳韓興武將米退還韓有仁未纏到案具領閻

學曾稟批存卷摘傳花戶等所呈完漕執照核與額數相符等因臣等查該署撫送到徵糧紅冊王天興名下應完元年漕米一升七合一勺並未完納係屬閩學曾悞填與該撫所查無異覆將韓貫一所控各款覆訊熊官梅擲耳反覆究詰據供浮收漕糧勒派夫工既經東省辦過俱有案卷可查至韓有仁的糧票實係漕書閩學曾悞填如果有浮收情事自必經收關縣漕糧斷不僅止浮收韓有仁一升七合一勺韓貫一有地二頃零他名下豈有不浮收的嗎東詳

清至每畝科派大錢三十文係津貼各夫盤費並無
入已情事求饒刑等語隨將所供實之韓貫一並將
該署撫查明各覆各欺令韓貫一當堂閱看是否屬
實據韓貫一供我實係被熊官梅無辜責打心裡不
甘見有浮收及派夫原據所以懷疑具控今蒙逐一
查明不敢混賴此外實不知有浮收別戶漕糧的事
其每畝科派錢三十文原係津貼河夫盤費並沒說
他入已反覆究詰似無遁飾查例載吏員人等爲事
問革例不入選若買求官吏改洗文卷隱匿公私罪

名以圖選用已除授者發近邊充軍又例載職官犯私罪罷職不敘追奪

誥勅又官吏因枉法事受財者計贓科罪無祿人應減一等又枉法贓一兩至十五兩杖八十三兩杖八十徒二年四十兩杖一百流三千里又例載以財行求及說事過錢者審實皆計所與之贓與受財人同科仍無祿有祿無祿有祿人槩不減等無祿人減一等其說事過錢之人如有首從爲首從例科斷爲從無祿人聽減一等等語此案熊官梅經山東巡撫查明

並無浮收漕糧情事從前曾在曹縣等處署中辦理
差務工程卽係辦事長隨乃敢聽從繼父所囑懷柔
縣知縣蔡若采捏報已滿書吏冒濫入仕例無治罪
專條自應比照定擬熊官梅除賄囑及科派夫價計
贓罪止徒流各輕罪不議外應比照吏員人等爲事
問革例不入選買求官吏改洗文卷隱匿公私罪名
已除授者發近邊充軍咨送兵部定地發配該犯因
官獲罪所有父母例請

封典應令原籍巡撫查明追奪王九卽王日昇曾爲熊官

梅轉囑伊兄王紹麟代辦復姓歸宗今復前往懷永
縣書吏補換卷宗輾轉舞弊實屬藐玩計贓四十八
兩合依枉法贓四十五兩杖一百流二千里無祿人
減一等杖一百徒三年管門家人羅貴等得受王九
賄銀八兩又指官撞騙銀二十四兩及慈惠伊主補
卷應依枉法贓三十兩杖八十徒二年無祿人減一
等杖七十徒一年半書吏張國連聽從陳三說合許
給羅貴銀共三十二兩合依說事過錢與受財人同
科爲從無祿人聽減二等應於羅貴徒罪上減二等

杖六十徒一年書吏鍾大年得受賄銀八兩補換卷宗應依枉法贓一兩至五兩杖八十無祿人減一等杖七十係書吏舞文作弊知法犯法應加一等仍杖八十俱革役王九羅貴張國連俱劄發順天府定驛充徒鍾大年折責發落仍在羅貴張國連鍾大年等名下照數追出入官懷柔縣張景芝訊無受賄情事惟規避處分聽從家人書吏率行補卷殊屬不合業已革職應無庸議前任懷柔縣知縣蔡若采及張士成王紹麟均已病故應無庸議蔡若采所得賍銀六

十兩王紹麟所得贓銀四十兩俱照例身死勿徵汝
上縣書吏閻學曾悞填由單致啟訟端本有不合業
已東省杖責革役無庸重科韓貫一因挾熊官梅杖
責之嫌已在本省控告之案又復列於赴京具控呈
內各款雖未得實尚屬事出有因惟快頭張從托
詐伊姪韓子揚京錢三十八千一節據稱現有字據
存置伊姪處並有中人鄭方君台明遠說合爲証訊
之張從先堅稱此項錢文實係我承催韓子揚村內
漕米有零星小戶不能赴倉完納他鄉照時價折錢

交我代爲買米上倉並非索詐兩造各執一詞互相
狡賴此案業已審明未便因此一節再行提集人証
輾轉拖延應將韓貫一張從先遞交山東巡撫提集
韓子楊等飭吊張從先字據究訊並查明張從先是
否有私折錢交代交漕糧情事照例定擬報部王克
敏聞學會李明鐸均訊明並無愆戾熊官梅浮收勒
派及索詐情事俱無庸議逸犯陳三卽陳方飭緝獲
日另結至失察前任懷柔縣知縣蔡若平捏報役滿
書吏及東省失察熊官梅濫膺仕籍各上司並熊官

每加捐分發持出具印結官均列有處分應俟

梅加捐分發時出具印結官均例有處分應俟

命下移咨吏部查取職名照例分別辦理所有臣等遵

旨審訊定擬緣由理合恭摺具

奏伏候

訓示遵行謹

奏嘉慶四年五月

日奉

旨依議欽此

言山麓地

泰嘉慶四年正月

日

指示毀行

表計

言審局案錄用野

泰計具

命丁錄容吏潛查煩難各縣府長限難野海

日華嚴

錄此計長發却出具日錄官此府亦錄在應計

軍興之祭老幼婦女被城中教民民收雷回家

軍興之際老幼婦女被賊冲散良民收畱回家
卽與撫卹難民無异均免治罪

刑科抄出陞任湖北巡撫高一題前事等因嘉慶五
年三月初十日題開四月十五日奉

旨三法司核擬具奏欽此本部會同院寺會看得鍾祥縣
審解民人胡尚義等戮死田懷爵夫婦並田黑女另
被不知姓名人戮傷身死一案據陞任湖北巡撫高

疏稱緣胡尚義籍隸鍾祥田懷爵籍隸漢川素不
認識田懷爵駕船營生妻楊氏子田中義並女三人

均在船內大名冬女已許沔陽州人周谷興為媳次
名黑女年十二歲三名麼女兩歲嘉慶三年三月川
匪竄入荊門州滋擾二十四日田懷斟舟至荊門沙
洋突遇教匪將其夫婦子女一併擄入賊營其子田
中義當夜乘間逸出餘俱裹走四月初間賊匪竄至
鍾祥七里冲該處村民聚集義勇築寨防守胡尚義
與族人胡允懷村隣陳榜均充義勇初三日賊被官
兵剿散田懷斟攜帶妻女乘空逃出行至七里冲前
山走進樹林歇息維時寨內衆勇因賊匪被剿四竄

分路搜捕餘匪胡尚義胡允懷陳榜走近山前聽聞
林內男女語言並非本地口音心疑匪屬上前喊拏
田懷斟因從賊營逃出恐難分辯一時慌忙將懷抱
麼女拋棄跌斃自與妻楊氏大女次女出林奔逃次
女黑女年幼落後胡尚義趕至溝邊追近田懷斟用
鎗向戳致傷田懷斟右腰眼跌入溝內身死陳榜追
及田楊氏亦用鎗戳其乳旁仰跌倒地楊氏正欲掙
起胡允懷復用鎗戳其肚腹亦滾溝內殞命次女驚
地哭求胡尚義等問知情由始知誤殺各自跑散是

時黑女落後另被不知姓名人戮傷斃命冬女隻身
無依在路旁啼哭有賈文青走過領至其家收留爲
女旋許曾榜接娶爲妻四年四月田中義路過曾榜
門首遇見冬女詢知父母黑女被殺報縣獲犯訊供
親赴該處查勘情形田懷斟等屍骨均因日久被水
冲去錄供通詳批飭緝審茲據審擬招解廳審供認
不諱查胡尚義等搜捕餘匪因見田懷斟帶同妻女
藏匿樹林疑爲匪屬倉猝追赶戮傷斃命誠無他故
別情應依鬪殺科斷胡尚義戮傷田懷斟身死將胡

尚義依律擬絞監候陳榜等分別擬以徒杖等因具
題前來據此應如該撫所題胡尚義合依鬪毆殺人者
不問手足他物金刃並絞監候律擬絞監候秋後處
決該撫既稱田楊氏係被在逃之胡允懷後戳肚腹
滾溝殞命陳榜先戳乳旁並未致死合依刃傷人杖
八十徒二年田麼女係被拋棄跌磕斃命應毋庸議
戳死田黑女正犯同殺斃田楊氏之胡允懷嚴緝務
獲另行究結賈文青收買田冬女爲女應照收買逃
失子女爲子孫律擬杖九十徒三年半會榜知情故

娶應照律於賈文青罪上減一等杖八十徒二年賈文青獲日另結會榜照擬發配何殿興身充保正既知義勇殺人匿不稟報應照不應重律杖八十事犯到官在嘉慶四年十一月二十七日欽奉

恩詔以前陳榜曾榜所犯徒罪均應減爲杖一百折責發落何殿興杖罪寬免仍革役田冬女照例免坐先經許有夫家給屬領回完娶等語查賈文青因見冬女在路旁啼哭詢知係被賊難民伊父母均爲鄉勇疑賊截斃冬女隻身無依領回認作義女許聘與曾榜

為妻該撫將賈文青照收畱迷失子女為子孫律杖
九十徒二年半曾楊減一等杖八十徒二年固屬照
律辦理惟查收畱迷失子女律擬徒罪者原指地方
安靜輒敢收畱不送官司者而言至軍興之際老幼
婦女被賊冲散經安分良民收畱回家卽與撫卹難
民無異若仍照律擬徒不惟情法未平且恐此等失
所婦女幼小人口從此人人畏罪不肯收畱殊非矜
恤民命之意自應量予寬宥以昭平允所有案內
徒之賈文青曾楊均請免其治罪賈文青並免緝獲

詔令該撫查訊田冬女先聘之夫如願婚配將田冬女給屬領回完娶若先聘之夫不願完娶及查無下落者卽將田冬女給與會榜完娶免其離異仍追原聘財禮給與先定大家具領并行文現有賊匪滋擾各省遇有此等收留難民老幼婦女者均免其治罪餘均應如該撫所題完結查減杖之陳榜復奉本年四月十四日清刑庶獄

恩旨應准累減援免兇犯胡允懷並戮死田黑女之正兇應令該撫飭緝務獲審擬具題等因嘉慶五年七月

初九日題十一日奉

旨胡尚義依擬應絞着監候秋後處決餘依議欽此

這令媳麻孀嫂改嫁致嫂自縊身死擬軍援免
刑駁仍照原題惟不准其援免

刑部謹題為報明事該臣等議得臨晉縣民焦三
院逼令姚氏改嫁致姚氏自縊身死一案據晉撫疏
稱焦三院係姚氏故夫焦屎娃大功堂弟同居
共炊乾隆六十年三月初間焦三院因焦屎娃物故
家貧不能養贍思及姚氏難以孀守不如改適當撫
焦成禮尋覓娶主並向姚氏之叔姚添保告知令其
主婚姚添保與姚氏商議姚氏情願守節姚添保向

焦三院覆知不允十八日姚氏因伊夫斷七買起五斤焦三院頃其多費錢文將來無人養活並稱定欲作主改嫁姚氏不依吵鬧經焦杜氏等勸散詎姚氏不甘失節自縊捐命報驗審供不諱將焦三院擬軍等因恭疏具 題經臣部詳核案情焦三院係姚氏故夫焦屎娃大功堂弟並非期親律得主婚之尊長該犯因兄故家貧欲令伊嫂改適先令姚氏之叔姚添保主婚未允嗣後以姚氏買越多費定欲作主改嫁以致姚氏不甘失節自盡是該犯逼嫁已干恃強

據實查閱供招雖焦三院稱無圖財情事但查該犯
與焦屎娃同居共炊其平日食用是否另有公產抑
或各自力作餬口之處均未據詳敘如果焦屎娃與
焦三院止有公共土房三間實因家貧不能養贍恐
難孀守主令改適並無圖財強賣別情尚可照例擬
軍若焦屎娃另有產業或焦三院係仰藉焦屎娃過
度則其屢逼孀嫂改嫁卽係覬覦其產自應照例擬
強賣例擬以縲首令該撫于此等緊要關鍵均未詳
晰聲明遽將焦三院照孀婦不甘失節自盡例擬軍

未爲妥協誠恐矢志守節之婦婦含冤莫白而違
圖產之奸徒倖逃法網臣部碍難卒覆應令該撫另
委幹員提訊究明焦屎娃有無產業焦三院是否圖
財逼嫁按情妥擬具題奉

旨部駁甚是依議欽此茲據該撫稱焦三院與已故堂兄
焦屎娃同居僅有公共土房三間院基一塊委無別
業焦屎娃物故遺妻姚氏相依焦三院過活焦三院
因焦屎娃本無產業已又貧寒無力養贍隨託該氏
之叔姚添保告知姚氏願甘孀守經姚添保回覆嗣

姚氏因焦屎娃斷七買起多費焦三院氣忿聲稱作
主改嫁爭吵姚氏卽自縊殞命查焦三院係焦姚氏
故夫焦屎娃大功堂弟服屬總麻並非律得主婚之
人如焦屎娃另有產業或焦三院仰藉焦屎娃過度
則其屢逼孀嫂改嫁誠如部駁卽係覬覦其產自應
炤圖財強賣例擬以縊首今該犯堅供與焦屎娃止
有公共土房三間院基一塊各自餬口並非另有產
業仰藉過度將焦三院照原擬充軍事犯在

應赦以前應請援免姚氏應請

旌表等因前來應如該撫所題焦三院依孀婦自願守志
夫家強嫁不甘失節自盡例發邊遠充軍雖事犯在
恩赦以前但係強逼孀婦改嫁致氏自盡不准援免姚氏
被總麻服屬之焦三院逼嫁不甘失節揭軀明志洵
屬節烈可嘉應准其

旌表俟

命下之日行令該撫飭令該地方官給銀三十兩聽其自
行建坊其該縣節孝祠設牌之處照例遵行謹題請
旨奉

旨依議欽此



謀娶未遂強行姦污欲佔爲妻照律絞候

刑部爲強佔等事刑科抄出浙江巡撫阮 題前事
等因嘉慶六年十一月初二日題十二月初十日奉

旨三法司核擬具奏欽此本部會同吏部院寺會看得仙
居縣民人吳阿備姦佔孀婦俞徐氏一案緣吳阿備
與俞炳富隣村居住俞炳富妻故乏嗣娶妾徐氏生
有二子年俱幼穉嘉慶五年八月間俞炳富病故遺
有產業俞徐氏原甘守節吳阿備貪其遺產希圖俞
徐氏招贅爲夫九月二十一日央俞谷太并在逃

柯錫漢齊沅海向俞徐氏說媒未允柯錫漢以吳阿
備恐要強贅之言嚇唬而散俞徐氏告知俞炳富之
弟俞炳貴欲行呈控俞炳貴畏其兇橫用言勸阻俞
徐氏恐吳阿備果往強贅當欲遷居旋因患病不果
十二月初八日吳阿備聞俞徐氏有遷居之意起意
強姦逼令招贅卽邀現獲之吳濟世并在逃之吳咸
喜吳緝喜吳際洪吳濟時同往幫護許其成事各謝
錢十千文吳濟世等貪利應允吳阿備當令吳咸喜
攜錢二千文送與俞徐氏族隣俞炳儒令勿攔阻卽

于是夜吳阿備同吳濟世吳咸喜吳緝喜吳際洪吳
濟時偕至俞徐氏門首余徐氏正欲睡臥燈尚未滅
吳阿備打門進內俞徐氏出房喊罵被吳咸喜吳緝
喜用繩縛住兩手拉至牀上走出門外同吳濟時等
把護吳阿備當將俞徐氏挨倒壓伏其身用左手按
住俞徐氏上身右手拉落裙褲強行姦污俞炳貴聞
聲趕救被吳濟時等阻退吳阿備姦畢卽令吳濟時
等在俞徐氏家住宿守護吳阿備管住俞徐氏不容
出門冀圖嚇令順從俞炳貴投保報縣該縣飭差會

營嚴拿一面親詣查勘各犯聞風逃逸吳阿備亦將
俞徐氏背走俞徐氏喊叫俞炳儒聞聲趨勸吳阿備
卽令帮同背負俞炳儒始猶未肯後被吳阿備嚇逼
無奈允從帮同背至吳濟時家吳阿備令吳濟時之
妻王氏伴守勸令順從俞徐氏執意不允十三日早
吳阿備聞拿緊急將俞徐氏送至村前當卽逃遁經
該縣先後緝獲該犯等到案訊認不諱將吳阿備依
強奪良家妻女姦占爲妻妾者絞律擬絞監候等因
具題前來應如該撫所題吳阿備合依強奪良家妻

女姦佔爲妻妾者絞監候律擬絞監候秋後處決彭
撫旣稱吳濟世貪得謝錢隨同幫護應照爲從減一
等例杖一百流三千里俞炳儒先因畏兇未阻後被
嚇逼幫同背送各合依逼誘隨引止于幫同扛擡
未成婚減絞罪五等杖七十徒一年半例應杖七十
徒一年半俞谷太聽從說媒亦屬冒昧應照不應重
律杖八十事犯到官在嘉慶六年六月十一日清刑
恩旨以前吳濟世流罪不在准減條款應不准其援減俞
炳儒徒罪應減爲杖一百俞谷太杖罪應請援免俞

徐氏情願守產撫孤聽其自便仍飭俞炳貴好爲照
管毋致失所俞炳儒所得現錢二千文追出入官日
許錢文均着免追逸犯吳咸喜等緝獲另結等語均
應如該撫所題完結逸犯吳咸喜等應令該撫飭緝
務獲審擬另結再該撫疏稱所有承審遲逾分限不
及一月職名係仙居縣知縣趙徽相應附叅等語查
定例官員承審事件遲延逾限一月以上者罰俸一
年等語此案應以嘉慶六年正月二十六日獲犯之
日起除去犯病日期扣至四月二十六日縣審已滿

該縣于七月二十五日解府計逾分限一月以上應
將承審遲延逾限一月以上之仙居縣知縣趙散照
例罰俸一年等因嘉慶七年三月二十四日題二十
六日奉

旨吳阿備依擬應絞著監候秋後處決餘依議欽此

嚴禁漕船折收陋規

刑部爲遵

旨等事河南司案呈所有前事一案相應抄錄原奏並開
明短欠漕米之各幫旗丁米數清單並米色霉變各
丁名單行文漕運總督遵照辦理可也計粘單內開
准步軍統領衙門倉場侍郎先後奏送溫州嚴州台
州等幫正額漕米不足併台州幫米色霉變各在通
州買補奏請交部等因欽奉

諭旨交刑部嚴審定擬具奏欽此

臣等當卽詳查各案原

奏溫州前幫計船四十六隻內有三十一船每船短
米自一二十石至百餘石不等共短米一千三百零
三石嚴州所幫計船四十三隻內有十四船短米自
五石至四十餘石不等共短米二百九十九石自開
後幫計船五十六隻內二十二隻內每船霉變米自
數石至一百四十餘石不等虧短米自數石至五十
餘石不等又八船並無霉變淨短米自數石至四十
餘石不等計共霉變米四百餘石虧短米七百八十
餘石臣等以各船正米俱係水次照額兌足過淮尚

應盤驗何以抵通後竟致各有短缺之事當卽行文
倉場侍郎查傳各該幫之領運千總經理運務之頭
伍并霉變短米之各散丁以憑嚴審定擬去後旋據
覆稱頭伍金聖榮陳宗仁逗遛水次並未隨運來通
頭伍余松明許應芳抵通後畏罪潛逃僅將頭伍吳
繼臯董型領運千總齊金蘭呂秉成張超羣及各散
丁押送到部臣等當卽先後分提隔別研訊緣温州
前幫係千總齊金蘭領運頭伍吳繼臯董型辦事該
幫除應兌正米俱照額兌足併臨颍等米例應折價

外每船尚有應領本色行米十五石月米十六石五
斗以供各丁沿途食用之需該頭伍等同明千總每
船止給本色米七石五斗其餘應領本色一概折收
嚴州所幫係千總呂秉成領運頭伍金聖榮陳宗仁
辦事亦同明千總止給各丁本色米每船七石五斗
其餘行月等米一概折收台州後幫係千總張超羣
領運頭伍余松明許應芳辦事每船除例應折價各
米外該頭伍同明千總將每船應領本色行米十石
月米十三石樣米四石耗米十三石一概折收除台

州稱霉變米四百餘石訊係裝運不慎所致其餘以
上各帮每米一石折銀二兩八錢半總頭伍等不但
不將例折銀兩分給各丁卽還例私折銀兩亦俱在
爲公用以致各丁應領之折價本色銀項顆粒分毫
不能到手沿途日糧缺乏有力各丁尚能勉補買食
其無力窮丁卽不能不私食正米拖至抵通後正米
短少頭伍等又代各丁借債買米補額交倉其自水
次折收以至抵通借債買米均聽于總頭伍主強
理各丁並不得與聞惟回至水次開寫賬目攤扣各

丁下年應領之各項辦運銀兩并有通州之奸商食
戶地棍匪徒因知各船每年俱在通州借價買米或
以賤價收買甲俸等米貴價賣給糧船或放七扣八
扣九扣重利等債二三年間即可盤利數倍各丁種
種受累不堪枚舉若不將千總頭伍債主奸商包戶
逐加懲治將來年復一年不惟漕務勢必不能肅清
且恐各丁苦累難支或竟至疲極而力不能辦運豈
復尚成事體臣等當將通州包攬買米之胡連程九
林九如買米之楊四馬三穆三房五併斗行楊正及

買米作保之楊昆提傳到案併追出節年專辦賤價
收米貴價補造之秦五及重利放債之捐納從九品
秦三瞎子均係回民在通州素有強霸之名當經飭
坊查拏去後秦五已經聞風遠颺將秦三瞎子拏獲
送部臣等卽將各犯隔別嚴審併先盡移頭伍所開
賬單內如貼補緩造船隻及添補舵工水手身工祭
廟祭江祭河堤溜打鬧等項所開頭伍領銀米往返
能確指實訊但如單內所開頭伍領銀米往返

費每幫用銀六十餘兩及千總公館巡船食用每歲
用銀七十餘兩亦俱于各丁折來銀兩內攤派開銷
其爲科派擾累已有確據并據秦三瞎子供認嘉慶
六年借給台州後幫米二百石作價一千一百兩又
現銀二百四十兩共實本銀一千三百四十兩七年
又借過實銀一千八百兩均九扣三分節次換票利
上加利歷年還過銀五千六百兩下欠四千兩又嘉
州所幫自嘉慶六年起至八年止先後實借銀四千
六百兩利上加利除還過五千零六十兩外尚欠銀

五千五百兩又另借銀四百兩尚未清還又據胡連
供認積年替吳繼皋買米補漕不計其數本年希圖
賺錢又替吳繼皋轉托程九買米伍百石係楊昆作
保林九如供認本年允替吳繼皋買米肆千石尚未
買成又據賣米之楊四馬三穆三房五供認曾馮子
行楊振各行賣給漕船米自二十餘石至九斗餘石
不等質之楊振供亦相符再三推勘各犯俯首認罪
聖供不移案無遁飾查例載漕糧軍伍將已裁陋規
復行派斂或干定數之外妄行勒索罰駐犯該徒等

以上者照指稱衙門打點使用名色誑騙財物例不分首從發近邊充軍又律載倉庫場務官吏知侵欺盜用借貸故縱者與犯人同罪又例載運弁以通弊計算但有掛欠革職發南追比如欠不及一分管五十不完滿杖旂丁以一船計算其按照分數定罪之處與運弁同又民人違禁向兵丁放錢扣取錢糧除所欠債目不准給還外將放債之人照說詐例治罪罪止杖一百流三千里各等語此案頭伍吳繼舉董型不顧各丁苦累輒將應領本色行月糧米折價湊

非公用又平開各長在維祿管更印與公用兩見無

作公用又浮開各賬並攤派館費卽與私用陋規無異計賍已犯該徒罪吳繼臯董型除代丁借債買米補漕各輕罪不議外應照軍伍欽派勒索該徒罪以上照指稱衙門打點名色使用誑騙財物發近邊充軍例發近邊充軍吳繼臯供稱母老丁單係漕憲舞弊累及全帮各丁應不准其畱養于總齊金蘭呂秉成張超羣任聽頭伍折收米價又不將所開賬目核實稽查甚至將公館巡船鋪墊食用等項累及窮丁應照官吏知侵欺借貸故縱者與犯人同罪律同吳

繼臯董型一例問擬軍罪係職官應革職發往伊犁
烏魯木齊效力當差重利放債之秦三瞎子素有霸
名又敢盤剝旗丁爲害漕務秦三瞎子應革去職銜
依違禁放債扣取錢糧照訛詐罪止杖一百流三千
里例杖一百流三千里雖係雙瞽篤疾但該犯每年
尚能前赴浙江討取利債應不准其收贖包買漕米
之胡連程九林九如明知吳繼臯所買米石係因虧
缺補漕乃敢包攬買米並允代買以致吳繼臯等恃
爲抵通買補羽翼水次任情折收胡連程九林九如

俱應于吳維臯董型等軍罪上減一等各杖一百徒
三年賣米之楊四穆三馬三房五種將米石違例賣
給漕船楊昆及斗行楊振知情作保說合均應各照
違

制律杖一百仍在通州填上枷號一個月家各幫散丁
鄭錫泰田世明徐子蟠等因干總頭伍將該丁等應
領折價本色一概折銀公用以致沿途食用缺乏其
短米尚屬有因但既不稟官經理又不自行設法買
食輒敢私食正米亦應照各船辦欠均在一分以內

與未到各丁均由臣部開單發南依限勒追于次年
搭解還倉逾限不還卽由漕運總督照例治罪董型
短米一百七十餘石業已擬軍應令通幫攤賠搭運
母任正額虛懸其台州幫需變正米之各散丁應各
照不應重律杖八十訊明均已押船回空亦應由臣
部開單行文漕運總督按名查傳照擬發落需變米
石應令各丁領回卽由各丁照數賠補亦于下年一
并搭運交倉溫州幫掣獲封貯已買米石台州幫奏
明已買各船餘米均令倉場侍郎查量確數收倉報

明戶部與各該幫千總所用公館巡檢鋪墊食用等
銀兩照數追出一併入官泰三瞎子除將所得利銀
亦應照追入官外其所放各利債無論已未破案照
例一概不准償還其餘案內無干人等均予省釋至
未經來通之頭伍金聖榮陳宗仁在通潛逃之頭伍
余松明許應芳及素辦回漕米之通州同民秦伍行
文都察院步軍統領衙門直隸山東江蘇浙江及附
近各督撫漕運總督一體嚴拿送部究治失察漕運
舞弊之押運糧道通判葉經泰

旨交部其失察之本省督撫漕運總督藩司本府及聽從
折收之各州縣漕標該管之各上司均請分交吏兵
二部查取職名照例辦理並請

勅下有漕之各督撫藩司漕運總督嗣後務必嚴禁折收
痛革各衙門陋規使費稽查千總頭伍用賑毋任浮
冒累丁並通州嚴禁重利放債及違例買米賣米等
弊庶丁力可期漸復而漕弊亦可悉就剷除謹此恭
摺具

奏伏乞

皇上睿鑒謹

奏請

旨嘉慶九年九月十一日奉本日奉
旨依議欽此

旨亦精純也

旨濃與大羊以十一日奉本日奉

發龍

皇江御器新

回空漕船帶私官弁賄縱嚴行叅辦

刑部爲通行事浙江司案呈准江蘇司傳抄前事一案相應抄單行文該撫查照可也計粘單內開內閣抄出兩江總督陳奏湖南幫回空糧船夾帶私鹽委查員弁運到陳寶元千總汪錦舒等得賄縱放審擬治罪等因奉

硃批刑部核擬具奏欽此欽遵抄出到部該臣等議得據兩江總督陳奏稱竊查湖南幫回空糧船夾帶私鹽鹽委查員弁得賄縱放經臣恭摺恭

奏奉

上諭前據估由參奏千總汪錦舒運判陳實元得銀贖家
私鹽一案內稱遊擊范樹仁將賄銀一百兩自行呈出
朕以其人尚體面方欲于此案審結時加以獎勵乃本
日陳大文參奏摺內據稱該遊擊家屬孫姓趙姓先託
營兵余振德等于查船時打籌銀兩並湖南船船到時
時余振德即約該遊擊門上高姓與舵工當面講定銀
一百兩次日交送等語是該遊擊親屬等皆有串同
索賄情節前此匿不稟出亦難免有先發後吐情事陳

大文請將范樹仁一并革職足見公正明遠范樹仁着
革職交與該督提同案內犯証一并秉公審擬具奏欽
此當經檄飭江蘇按察使會同兩淮鹽運使秉公集
審並移咨湖南省提解舵工胡文煥等同一革押運
千總王起運陸續到江歸案質審茲據按察使李亨
特鹽運使曾煥審擬詳解前來臣親提犯証逐加嚴
鞫緣胡文煥與馮文遠俱直隸民人充當湖南頭幫
糧船舵工嘉慶八年回空南下與各船舵工水手在
直隸山東沿河一帶貪圖便宜陸續收買私鹽每人

買鹽自數十觔至數担不等行至淮安經盤糧廳搜
獲查起各舵水將私鹽拋撥河內因回空緊急當卽
放行過淮後各船舵水又向老少鹽担收買私鹽通
幫共買七百餘担內胡文煥馮文遠買鹽十三担將
抵揚州胡文煥偵知派有巡查員弁恐再被查出當
卽通知馮文遠並各船舵水湊銀行賄偷漏維時搜
查委員候補千總汪錦舒候補運判陳寶元並遊擊
范樹仁帶兵同在搜鹽廳稽查彈壓十一月十九日
胡文煥偕同馮文遠先至揚州尋見汪錦舒家人傳

陞並在逃之劉大英告以實情央懇代爲關通送銀
免查傳陞應允講定送給汪錦舒陳寶元各銀五十
兩每處家人銀二十兩傳陞遵告知汪錦舒汪錦舒
轉向陳寶元說通傳陞于二十三日收取各銀將九
三平元銀五十兩送交汪錦舒又將陳寶元九三平
元銀五十兩並陳寶元家人銀二十兩均交汪錦舒
收存轉交餘銀二十兩傳陞分給同伴汪玉金大蔣
貴呂標各三兩伊與劉大英各分銀四兩胡文煥又
另給傳陞銀五兩次日汪錦舒將銀七兩兩兩交陳

寶元陳寶元自用五十兩餘銀給管內家人蘇林
陞等派分范樹仁家丁趙幅孫喜等偵知傳陞有
帑給費之事私令茶房兵丁余振德于三十日往
尋傳陞不遇遂向呂標告知轉向胡文煥等與趙幅
等面講許送七扣揚平元銀一百兩趙幅分得三十
兩孫喜高成各分銀十七兩劉幅分銀十一兩秦振
德分銀五兩胡文煥又給呂標銀五兩嗣經船換次
到場該委員等俱未搜查隨到隨放因鹽政借出資
查緊急恐一無起獲轉至敗露與胡文煥言明假意

向各船搜獲零鹽共二十餘石稟報塘塞范樹仁查
知趙幅等有得受銀兩之事適鹽政訪聞論查因家
丁得贓頗有干係將趙幅等索銀一節隱匿不稟止
稱千總家丁呂標等向兵丁余振德打點許送銀一
百兩將追出趙幅等已得之銀六十兩捏混稟繳經
鹽政發府訊供究出實情此委員等得賄縱私遊擊
范樹仁查知家丁同案犯贓隱匿飾稟之實情也訊
據賈元汪錦舒等供認得銀不諱研訊孫喜等食
供范樹仁委無通同染指先侵後吐情事惟恐說出

家丁們得賍就有千條隱匿不稟是實質之范樹仁
亦自認昏愊糊塗無可置辯反覆究詰各供不移案
無遁情將夾帶私鹽之胡文煥等並得賄之陳寶元
汪錦舒等俱分別擬以流徒杖責逸犯劉大英等緝
獲另結等因具

奏前來查例載回空糧船夾帶私鹽照販私加一等流
二千里又律載官吏受財者計賍科斷無祿人減一
等又例載有事以財行求及說事過錢者審實皆計
所與之賍與受財人同科無祿人減一等等語此案

湖南頭帮糧船舵工胡文煥等回空帶鹽行賄偷漏
情同販私已革運判陳寶元千總汪錦舒聽賄縱放
各得折實庫紋銀四十四兩一錢均屬枉法應如該
督所奏胡文煥除起意湊銀行賄罪止杖徒輕罪不
議外合依回空糧船夾帶私鹽照販私加一等杖流
例杖一百流二千里陳寶元汪錦舒均合依枉法賍
四十兩杖徒律杖一百徒三年再該督奏稱馮文遠
卽馮文元聽從胡文煥夾帶私鹽合依爲從減一等
律杖一百徒三年傳陞除得受折實庫紋銀七兩九

錢零計贓輕罪不議外應依說事過錢無祿人減一
等律于陳寶元滿徒上減一等杖九十徒二年半分
別定地發配折責安置趙幅得受折實庫紋銀十七
兩零照枉法贓無祿人減一等律杖九十孫喜高成
各得實銀十四兩零應照枉法贓無祿人減一等律
杖八十呂標劉幅余振德蘇林李陞汪玉金太蔣貴
各得實銀不及十兩俱照枉法贓一兩至五兩無祿
人減一等律各杖七十傳陞趙幅高成均于臬司取
供後病故所得之贓照例免追餘俱照追入官充公

遊擊范樹仁訊無受意分肥先侵後吐情事惟查知家丁犯贓隱匿不舉捏混具稟希圖卸責干總王起運於各船夾帶私鹽毫無覺察均已革職應毋庸議無干省釋等語均應如該督所奏完結再該督奏稱其餘買鹽各舵水人數衆多聚散無常應請

聖恩姑免查究倘此後再犯察出加倍治罪等語

臣

等以

漕船回空夾帶私鹽最爲積弊一經查出自當隨時起獲鹽飭嚴行懲辦庶足以肅漕運而疏官引此案湖南頭帮糧船于上年回空行抵揚州帶私賄漏該

督等查知叅辦時卽應摘拏爲首及帶私較多各犯
嚴加懲辦俾衆共知警畏今該督僅將提判起意賄
囑之丁舵胡文煥馮文遠並得賄之委查員弁分別
擬以流徙其餘買鹽各舵水人等概未摘提審辦殊
屬疎漏惟該幫舵水人等俱於上年迭趨回次且該
督奏稱人數衆多聚散無常此時自己無可查提可
否俯照該督所請

恩免查究之處恭候

諭旨遵行至該幫帶回私鹽前據該鹽政已飛咨湖南巡

撫查起實在勘重抵引行銷應飭迅卽查明另咨戶部查核仍應行令漕督長蘆兩淮鹽政並漕船經過沿途督撫嗣後一體實力稽查如再查有帶私等弊必當查提懲辦以昭儆戒所有案內擬疏之胡文煥據該督聲稱該犯年逾七十例予收贖應令飭查明確照例辦理逸犯劉大英等仍令該督飭緝務獲審擬另結

臣

等謹將核擬緣由恭摺具

奏嘉慶九年九月二十六日奏本日奉

旨依議欽此

鹽價隨時調劑不得任意低昂

戶部謹 奏爲遵

旨核擬具奏事嘉慶八年四月初十日准刑部咨稱本部
奏前事內開議得

欽差署侍郎那 奏稱江蘇金匱縣民捐納從九品張江
梅呈控鹽商汪丙太等浮價病民鹽運使張映璣庇
商不准減價一案此案捐納從九品張江梅控減鹽
價呈內抄錄原詳刪減字面希圖聳聽又提引行賄
一節審屬子虛本應按律擬軍惟訊無挾嫌索詐別

情並非報復私讐情尚可原張江梅應如該署侍郎
所奏革去從九品照將姦贓事情汚人名節充軍例
量減一等杖一百徒三年至配所折責四十板該署
侍郎奏稱商人汪丙太等審無串通把持情事其於
錢價漸長未將鹽價核減業已認攤歸繳應免其置
議無干省釋等語應如該署侍郎所奏完結再該署
侍郎奏稱兩浙銷引各屬鹽斤價值隨時售賣載入
戶部例冊原定每斤賣銀一分六厘四毫至二分二
厘不等隨時價核算咨部有案亦聲明仍該計成本

隨時長落並非一定成例臣提取錫金二縣商人成本底賬逐細銷算以一引而論如柴燠煎工牽算三千四百文其雜支等項牽算四百九十文捆運等項二百三十餘文掣配等項牽算七百五十餘文開運等項牽算三百五十餘文加以完納錢糧並辦巡辛工火食等項隨時而計每斤成本約需二十餘文商人終歲營運將本牟利原期稍沾餘潤若大加裁減轉可藉口墮引誤課於鹺務大有關係臣平心酌核該商等前經在縣呈請情愿減價二文雖係暫減豈

有不自願成本之理應卽照所請將錫金原定每斤三十文之數減去二文每斤賣錢二十八文則商民俱可相安其各屬分隸四省成本輕重不同一時未能確細查核其應如何分別酌減一文二文之處應交與該鹽政會同該督撫臣提取成本底簿逐一算明酌中核定後仍令該鹽政隨時察看如果將來有應需調劑之處仍照隨時長落舊例妥協辦理總不得任意低昂致滋弊竇所有嘉慶三年以後錢價漸長鹽價未落應責令四所商人于通綱內罰繳一百

萬兩運使張映璣職司鹺務理宜隨時畱心查辦乃
當錢價漸昂並不提取該商等成本底賬詳悉查算
酌中調劑非尋常疏忽可比應請

旨交部嚴加議處鹽政延 於增減鹽價未能隨時查核
亦難辭咎應請交部議處錫金三縣並不詳明私自
准行出示減價亦有不合應由撫臣查取職名送部
察議等語除議罰商人銀兩現奉

諭旨寬免外其鹽斤減價并運使張映璣等交部分別嚴
議祭議之處恭候

命下移咨吏戶二部辦理等因前來查此案張江梅等罪名業經刑部覆奏運使張映璣等分別議處之處亦經刑部奏交吏部辦理外至鹽價一項據

欽差署侍郎那 奏請提取無錫金匱二縣商人成本底賬逐細核算以一引而論如柴滷煎工雜支捆運掣配開運加以完納錢糧並巡工火食等項隨時而計每斤成本約需二十餘文商人終歲營運將本牟利原期稍沾餘潤若大加裁減轉可藉口墮引誤課于鹺務大有關係公平心酌核該商等前經在縣呈請

情願減價二文雖係暫減豈有不自顧成本之理應
卽照所請無錫金匱二縣原建每斤三文之數減
去二文每斤賣錢二十八文則于商不虧于民不病
彼此俱可相安等語臣等伏查商鹽價值固不得無
故加增亦不可不按成本憑空議減是加增裁減均
關

國課民食今無錫金匱二縣鹽價既據該署侍郎那
通盤籌畫奏請每斤酌價二文自係

國課無虧民食有神事屬可行應如所奏准其酌減

昭平允又奏稱其餘各屬分隸四省一時未能確核
應如何分別酌減一文二文之處交與該鹽政會同
該督撫臣提取各成本底簿將其餘各屬及分隸四
省之鹽斤逐一算明酌中核定仍令該鹽政隨時察
看如果將來有應須調劑之處仍照隨時長落舊例
妥協辦理不得任意低昂滋弊等語亦應如所奏辦
理恭候

命下之日臣部行文兩江總督江蘇巡撫安徽巡撫江西
巡撫浙江巡撫兩浙鹽政一體遵照辦理

云
八年

五月十七日奏本日奉

旨依議欽此

邪術醫病不愈誣告毆毒殺人將誣告人依律擬流加徒其以邪術醫人者比例擬絞城流

刑部咨廣西司案呈據廣西巡撫陳 咨稱永福縣民許建芳聽從陳廷璋誣告廖中頂主使誘法金等下藥致伊母許劉氏自縊身死一案緣乾隆五十六年冬間許均樽及妻許劉氏子許建芳許培芳許芳許倫芳等與徐氏韋氏孫女二人共十人染患痧症病危先有陶某薦在醫生謝志俊調治未愈五十七年二月十五日韋何潤李長受蕭聯法金等治諸症

全以全家同時染患惡病恐有冤孽醫藥之外尚祈
祈禱遂代約道士一同包醫許均樽允候病痊謝銀
三十兩賂法全與廖法林當立包醫字據付許均樽
收執先得銀十兩分用賂法全隨給草藥服並煎
水薰洗廖法林設壇拜斗至五月間並無效驗許均
樽查知賂法全係廖中頂親戚時常往來因五十六
年三月間許均樽與廖中頂爭買田畝控經永福縣
訊明廖中頂理曲當將廖中頂李中桂責處許均樽
疑心廖中頂李中桂挾有訟嫌囑令賂法全等不肯

認真醫治且服藥後俱覺肚中疼痛恐中藥毒隨而
駱法全查問駱法全答以既不相信不必再醫即與
廖法林回家許均樽因費銀不甘遂赴道司各衙門
呈控飭委臨桂縣會同永福縣訊明廖中頂等並無
囑托情事亦無藥毒斷令駱法全等既未醫痊所得
銀兩立限退完真詳批結維時事付濶深信駱法全
能治痲瘋又因與許均樽相好唯慮速痊復勸令許
均樽仍覓駱法全醫治免還銀兩駱法全亦以銀已
花用情愿再醫又用藥調治道司仍邀廖法林於棚前

拜斗祈禳至五十八年五月間許建芳弟兄及徐氏
韋氏幼女等八人陸續醫痊惟許均樽夫婦未愈醫
法全廖法林因許建芳等已愈卽向索取謝銀三十
兩許均樽不允駱法全不復用藥許均樽因手總等
既有效驗亦信駱法全等果能醫治希圖官爲押醫
控經該縣批飭醫治駱法全延不給藥許均樽卽以
駱法全抗批指醫求提來省押令包醫等情赴司道
衙門具控飭提入証六月二十九日到省飭發臨桂
縣會同永福縣查訊斷令駱法全回縣再醫許均樽

愿俟醫痊照原議謝銀具道于七月十七日即縣駱
法全以許均樽夫婦年老病深藥力難痊向廖法林
告知廖法林以伊故父遺有符書一本內有送麻瘋
符因無傳授暫行試用如果有效即得相索銀兩與
駱法全商允隨向許均樽說明即取符書至許均樽
家照書畫符燒化給許均樽夫婦連服十餘日均毫
無效驗八月初一日許均樽仍向駱法全取藥駱法
全不給兩相爭鬧許均樽即持符書帶同許劉氏
駱法全連斷不醫員給服符水現有符書可據無庸

赴縣具控該縣張元功因廖法林既用符水治病將
干例禁一面飭差嚴拿廖法林等訊究飭令許均樽
夫婦寧家許均樽自願與伊妻在城守候該縣因許
均樽夫婦痲瘋未愈恐其傳染飭差張雲胡林將許
均樽許劉氏送至城外壽佛寺內居住許劉氏自徂
年老難醫聲稱不如早死以免傳染子女經許均樽
及伊子許倫芳等用言勸慰詎許劉氏卽于是夜投
繯殞命報經該縣張令驗明棺殮許建芳因駱法金
不肯給藥致伊母死于非命心懷忿恨因見廖法林

符書內有南蛇字樣料係治南蛇蠱之符遂捏稱駱
法全等聽從廖中頂生使將伊父母下蠱伊母許劉
氏受蠱難過因而自盡等情赴司喊冤飭委署陽明
縣王千驥驗明許劉氏委係自縊並非受蠱許建芳
以未經告准復赴省呈控途遇向識之陳廷璋告知
前情欲圖控告洩忿陳廷璋以廖法林書內既有治
南蛇蠱之符卽告伊下蠱毒害人不怕不准並令其
以許均構出名年逾七十卽使審虛亦可免罪許建
芳隨凜作呈詞許謝錢三千文陳廷璋卽照前情作

呈一帛給許建芳赴院具控行提犯卷來省飭委該
桂林府知府龔文鑒訊供通報飭審各供前情不諱
當以駱法全既醫痊許建芳兄弟妻女八人之多方
將酬謝不遑卽駱法全向索銀兩亦人情之常何致許
均樽輒行疊控許建芳卽或痛再情切希圖將駱法
全廖法林究處洩忿亦何必誣以下獄欲陷於重辟
且伊父與廖中頂許訟之案伊父並未受屈無嫌可
挾亦不應牽告廖中頂爲主使至駱法全既知許均
樽夫婦病深難痊何以提省審辦時情愿再醫廖法

林既有醫麻瘋符咒於初令包醫時卽應試用何以
醫治年餘之後始出符書且符書收藏既久亦豈別
無詭譎及輾轉傳授情事嚴詰至再據許建芳堅稱
伊父因賂法全等醫伊兄弟等既有效驗原圖其再
醫若先給與銀兩恐任意多索是以屢經呈請押令
醫痊至伊兄弟妻女雖經痊愈而賂法全等已得過
銀兩分應醫治伊母自盡究因賂法全不肯給藥所
致實懷忿恨希圖告准究處並不知下蟲應問何重
罪伊原與廖中頂並無仇隙因恐以賂法全既立包

醫字據只求病痊斷無反下蠱之理未必肯准憶及
去年伊父原告廖中頂囑托駱法全不肯認真醫治
不如仍指廖中頂爲主使以致駱法全下蠱有因希
圖告准故將廖中頂一並牽告據駱法全供稱原知
許均樽夫婦病深難治因許均樽求請官爲押醫且
銀已花用不得不含混應承免其聲控拖累據廖法
林供先經駱法全自認包醫僅令伊祈禳後因駱法
全告知藥力難痊始道及伊父遺有送麻瘋符咒混
行試用並未治過別人亦無傳抄情事各供矢口不移


似無遁飾查律載造畜蠱毒堪以殺人者斬又誣告
人死罪未決杖一百流三千里加徒役三年其誣告
二人以上但有一人不實者總以誣告論又教唆詞
訟誣告人者與犯人同罪又師巫假降邪神符咒水
一應左道異端之術煽惑民人爲首者絞及創載律
例內無可引用援別條比附者聲明照某律加減
科斷各等語今許建芳具控廖中頂主使賂法全廖
法全等致伊母許劉氏受蠱難過自縊身死如所
告得實廖中頂主使下蠱賂法全廖法全造畜蠱毒

均應擬斬今審屬虛誣廖法林賂法全商同以符永
治病本係有罪之人雖止誣輕爲重但告廖中頂主
使係全誣平人許建芳合依誣告人死罪未決杖一
百流三千里加徒役三年律杖一百流三千里加徒
役三年到配折責四十板陳廷璋明知許建芳爲誣
告輒代作呈詞且令其以許均樽出名與教唆無異
陳廷璋合依教唆詞訟誣告與人圖罪律與許建
芳同罪應杖一百流三千里加徒役三年到配折責
四十板廖法林收存伊故父所遺符書內係治痲瘋

送瘟神符咒別無架邪邪術及不法語句乃圖得謝
銀輒用符水治病雖屬異端邪術但並未惑衆若擬
綴首似覺情輕法重應請比照師巫邪術煽惑人民
絞律量減一等杖一百流三千里到配折責四十板
駱法全因令許均樽等吞服符水卽屬爲從駱法全
合依爲從律減廖法林一等杖一百徒三年到配折
責四十板差役張雲胡林誅無索逼情弊但旣派令
看管何致許劉氏自縊失於防範亦屬不合應請照
不應重律杖八十折責三十板免其革役許均樽先

經聽從服符迨無效驗卽行首告並未信從免其置
議許劉氏因病難痊輒萌短見孽由自作與人無尤
廖法林之父收藏符書業經病故應毋庸議符書銷
燬許建芳許陳廷璋錢三千文係口虛許駐廳與給
駱法全廖法林得過醫藥銀兩均免着追所有失察
符水治病尚未惑衆職名係永福縣知縣張元功除
咨吏部外相應咨達等因前來據此許建芳等均應
如該撫所咨完結仍令照例彙題至議處失察符水
治病職名事隸吏部該撫旣咨吏部應聽吏部查議

可也乾隆五十七年 月 日浙省准咨



因賭釀命失察賭博之署把總係隨營馬兵違
例議處

刑部抄出晉撫伯題前事等因嘉慶五年六月初
六日題七月十四日奉

旨三法司核擬具奏欽此本部會同吏部兵部院寺會同
得汾陽縣民趙谷寶等共毆毆相執身死一案據
撫伯疏稱緣趙谷寶與武相執同村無嫌嘉慶
年十一月初十日晚趙谷寶與侯呂韓連王李富
李太倫先後至武相執家開談武相執言哈有得

起意糾賭衆皆允從武相執隨取骨骸磁碗並錢五百文均分作碼言明輸贏俱向武相執歸結武相執抽頭趙谷寶等五人擲頭三更散場侯呂贏銀四兩李富林贏銀十兩李連玉輸銀三兩李大倫並無輸贏趙谷寶輸銀十七兩武相執抽得頭銀六兩旋各走散是月十八日午後武相執往向趙谷寶索取賭欠適趙谷寶與工人呂中恒在場房工作趙谷寶荅覆無銀武相執不依村罵趙谷寶回言武相執揪住趙谷寶胸衣用拳亂毆呂中恒用木棒毆傷武相執

右肩甲右臂膊武相執轉向奪棒復被毆傷左胎膊
左手背武相執接棒扭奪趙谷寶卽用炕旁防夜鐵
鎗毆傷武相執右手背右手指并將武相執仰面扳
倒揪在地上武相執兩腳蹬踢牽及趙谷寶等父母
辱罵呂中恒復用木棒毆傷其左膀左腮左膝肋左
右脚面右脚趾趙谷寶又用鐵鎗毆傷其右膝肋左
右脚腕左脚面左脚趾武相執轉身欲起趙谷寶復
毆傷其左右脚踝經解畢侯豐年趨至勸開詎武相
執延至是夜因傷殞命侯呂逃逸報驗審供不諱謹

非預謀有心致死亦非久慣聚賭查武相執被毆各傷惟趙谷寶所毆左腳踝傷至骨損骨折且係最後于下手自應以趙谷寶當其重罪將趙谷寶依律擬絞監候呂中恒等擬以枷杖等因具

題前來據此應如該撫所題趙谷寶合依共毆人致死下手傷重者絞監候律擬絞監候秋後處決該撫既稱呂中恒合依餘人律杖一百李連玉李富林李大倫均合依賭博不分兵民例枷號兩個月杖一百地方趙其光應照例笞五十呂中恒等事犯在嘉慶四

年十一月二十七日恭逢

恩詔以前所得枷杖管罪均應援免趙其光免其革役解
畢候豐年勸阻不及應毋庸議武相執出具賭具
應擬徒業已被毆身死應毋庸議無干省釋各犯輸
贖及武相執抽頭銀兩係屬虛賬應行免追攤場錢
文身死勿徵賭房並免入官換犯候呂飭緝獲日另
結等語均應如該撫所題完結逸犯候呂應令該撫
飭緝務獲審擬另結再該撫疏稱所有此案失察賭
博賭具職名文員係前任汾陽縣蔡革知縣范士增

武弁係署汾陽縣外委把總隨營馬兵鄭義理合附
叅等語查定例官員失察賭博每事罰俸一個月又
失察賭具存畱在家者罰俸一個月等語應將失察
賭博之前任汾陽縣革職知縣范士增照例罰俸一
個月註冊又失察存畱賭具應照例再罰俸一個月
註冊兵部查失察賭博賭具之署外委事馬兵鄭義
應令該撫照例自應責懲外查近經臣部奏准武職
專汛協防各官不准以馬兵代理通行在案今此案
該撫以馬兵代理協防開叅之處與例不符應令該

撫將濫行派委馬兵代理應議各職名查核省送兵
部核議等因嘉慶五年十月十四日題十六日奉

旨趙谷寶依擬應絞着監候秋後處決餘依議欽此

當伍馬匹嚴禁租給武庫屬射

刑部爲委審事刑科抄出浙江巡撫院題前事等

因嘉慶七年二月初四日題三月二十一日奉

旨該部核擬具奏餘着依議該部知道欽此本部會同左

部會看得溫標城守營已革外委林興陞職軍後功

款誣控署都司守備潘凱一案據浙江巡撫院

稱緣林得陞籍隸平陽在溫州鎮標城守營食糧

補外委署溫州鎮標伊妻堂弟嘉慶四年正月內林得

陞將吳浦玉薦至余高源孔榮槐撫行管理長務

庚五年正月九日某處命出外關余萬源部與某處王
合夥開張是年十二月十九日某沛玉房內被盜衣
物赴永嘉典史衙門稟報有案二十五日余萬源揭
算店賬因虧折過多與某沛玉合夥某沛玉名下應
認派折本錢十一千文寫立票據載明來年四月償
還某沛玉私取行內圖章印就空白票一紙因借欠
林得陞錢四千文即于空白票內如數填寫交給林
得陞收執旋回平陽原籍鋪蓋仍留行內十二月二
十八日林得陞令自兵沈錦隴前往余萬源行內照

票取錢被余萬源窺破不肯支給嘉慶六年正月十四日夏沛玉回至行內携取鋪蓋有行夥范亞高告知孔宗槐葉蒂英黃國選以夏沛玉回籍係因負欠潛逃曾至房內查點鋪蓋范亞高亦言夏沛玉不應回籍無怪他人議論向其訛笑夏沛玉聞言氣忿隨開寫孔宗槐葉蒂英黃國選范亞高四人名單向林得陞捏稱被孔宗槐等將鋪蓋竊寄葉蒂英家今被查出送還并稱前失衣物恐亦係伊等竊取現今差兵查勘圖洩私忿林得陞信以為差卽差兵丁王某

賢持單往查孔宗槐將名單扣留十七日林得陞又
差王高賢前往傳喚孔宗槐等不甘卽赴溫處道并
該管都司衙門呈控經署都司中營守備潘凱查明
寔情將兵丁王高賢棍責革伍一面備文以林得陞
特躬不謹等情詳請斥革林得陞挾嫌卽據拾各款
赴提臣衙門呈告咨會督臣行據溫處道提齊人卷
訊明詳報一面押解來省經臣飭司委令杭州府知
府嚴州處州二府同知會同審辦茲據該府等審擬
由司解勘前來臣卽提犯按款確究如所控嘉慶二

年三盤派防兵丁一百二十五名每兵一月坐米四
斗共米五十石作錢二千二百給散兵丁外扣錢一
百歸囊又是年防兵各散火藥一斤至六月間打賊
每兵損壞二兩扣除各兵銀七分入已一款訊據
凱猷稱營中調防兵丁得項不敷向係在營各兵每
日每名幫給錢五十文每月應給錢一千五百文三
盤山防兵一百二十五名共應給錢一百八十七文
五百文正交與隊目自買食米稱往並奉旨撥
買無從扣剋質之經手隊目劉化騰供稱相國請

林得陞惟稱不知市價增減以每年一石多銀一百
疑係潘凱入已又三盤山防兵火薪據潘凱供稱防
兵起程時原動給火薪一百九十斤後除打賊用去
應准開銷外實繳回火薪八十二斤八兩各兵並未
損壞無須賠補何有扣銀七分之事現有印簿可聲
實之林得陞惟稱因匪船逆夷施放密鎗致費火薪
隊日潘景隴有恐守備不准開銷每兵約須賠銀七
分之語疑潘景隴已稟潘凱扣賠寔不知印簿內業
已准銷是以砌挖查核收發火薪印簿與所供無異

又所控二年三月考試馬租銀九十七兩四年十二
月考試馬租銀七十三兩潘凱獨吞一欸訊據潘凱
供稱溫州民間畜馬無多武童考試間有向營總租
賃馬匹騎射所得租銀尚係登記棚簿隨作營中公
用嘉慶二年三月考試武童收得馬租銀二十七兩
五錢已據兵丁黃國清領修馬王廟及馬棚公用四
年十一月收得馬租銀五十一兩零現在存貯營庫
俱有用賬領狀棚簿可查此係合營皆知安能私收
入己質之林得匪惟稱冒昧矣控屬寔又所控嘉慶

三年五月在烏牛汛採買稻草五百束八月採買稻
草一千束價未給發一欵訊據潘凱供稱烏牛汛出
產稻草向來營中喂馬草束俱在烏牛汛採買每草
一束向止價錢一文是年五月買草五百束八月買
草一千束維時林得陞分防該汛故交林得陞採買
因五月所買之草值青黃不接草價每束二文汛兵
陸國彪蔣得榮運草赴城時並未將草價增長數目
告知仍照每束一文發價先後共發錢一千五百文
賞短發錢五百文係林得陞賠補並非有心短發現

有領狀可查質之運草兵丁蔣得榮等供亦相符又
所控嘉慶三年六月拏獲私鹽八百斤七月拏獲糖
船烏糖十二隻糖船變價錢十二千文一欸訊之潘
凱供稱是年六月並未拏獲私鹽惟七月內據林得
陞稟獲匪船一隻有烏糖十隻移縣變價充賞船隻
畱營嗣因損壞變錢五千文另買船隻補用並無烏
糖十二隻及船隻變價十二千之多質之陸國彪等
供亦相同林得陞亦自認虛誣又所控嘉慶三年八
月攬變馬兵包應隴紅花馬一匹至四年十月賣給

泰順童生一欸訊據潘凱供稱嘉慶元年五月兵丁
包應隴領價買得黃花馬一匹至二年十二月因馬
受傷落鼻具報驗明變價當將存營素驢馬一匹
撥給補額並無攬買轉售之事質之林得陞惟稱伊
于三年秋間曾見潘凱畜有紅花驢馬至四年冬間
不見騎坐維時聽聞泰順武童要買馬匹疑卽係二
年變價之馬爲潘凱攬買轉售所以捏情列入欸內
今蒙訊明包應隴之馬係嘉慶二年變價與伊呈內
所控嘉慶三年攬變之說已不相符自認妄告查核

馬匹變價印友亦與所供無異又所控嘉慶三年四月餉內除各兵袍銀一兩一錢五分七月領銀八錢三分給散各兵花銀四錢五分一欸訊據潘凱供稱各兵號袍七百七件領署守備張殿葵任內詳准製辦每件領銀七錢六分三釐四年四月興工五月工竣詳請咨銷都有案據並無領銀八錢三分從中侵扣情事實之林得陞據稱不知詳細捏砌屬寔又所控四年十二月內領修衙署銀三百兩五年四月月去銀一十七兩三錢一欸訊據潘凱供稱四年正月

因泰順局房坍塌應修當經詳明奉委文武員弁確
實勘明估需工料銀三百五十八兩零五年正月初
八日興工二月十八日具報工竣又蒙委員驗明造
具冊結詳請咨銷並無止用銀一十七兩零餘銀僅
吞之事實之林得陞供稱修理泰順局房伊于五年
正月望間進城見頭門外已經興工聽得裡面尚未
修葺迨後修葺與否伊總在外巡防不知細底因圖
添砌多欸是以就頭門外所修工程約略計算捏說
用去銀一十七兩零等語查核估修底案俱屬符合

實無侵冒情事至所告俸餉不清一欸係林得陞把
守備糧房鄭芝鎬赴司請領養廉許給鄭芝鎬紙筆
之費領餉時鄭芝鎬向索未給曾經吵鬧卽以俸餉
不清一併牽告以上各情節已據反覆研鞫惟採買
馬草一欸潘凱因不知草價昂貴照舊發給短發錢
五百文屬寔而收得租馬銀兩尚屬有因查俱登記
棚簿存營公用亦非潘凱入已此外均屬撝砌誣捏
毫無實據不特俱有案冊可憑兵丁可質卽詰問林
得陞亦自認誣捏屬實究詰不移似無遁飾查例載

屬員知上司訪揭卽搬砌欸蹟捏詞誣揭者一事審
虛卽行反坐又例載監守盜倉庫錢糧自一百兩以
上至三百三十兩杖一百流二千里又律載誣告人
流徒杖罪加所誣罪三等罪止杖一百流三千里又
竊盜贓一兩以上至一十兩杖七十各等語此案革
弁林得陞誤聽夏沛玉誣竊之言冒昧差查本乖營
制經該管署都司潘凱查明詳革寔屬咎所應得乃
于被革之後輒敢搬砌多欸混行誣揭查各欸內惟
修理局房使用銀兩一欸爲重如所搆得實潘凱應

計贓照監守自盜一百兩以上至五百三十兩杖一百流二千里例同擬今審係虛融將林得陞依律擬流夏沛玉等擬以柳枝管書等因具

題前來據此應如該撫所題已革外委林得陞合依屬員知上司揭參據劾欺誣捏詞誣搆一事審虛卽行反坐誣告人流從加所誣罪三等罪止杖一百流三千里律杖一百流三千里至詘所折責四十板事在嘉慶六年六月十一日清刑

恩詔以前係誣告本營長官所擬流罪應不准其援減該

撫旣稱夏沛玉誣指孔宗槐等偷竊窩賍愆戾林得
陞差查應行坐誣查所誣之賍不及十兩應杖七十
加所誣罪三等應杖一百情節較重再加枷號兩個
月滿日折責發落事犯在

恩旨以前夏沛玉捏竊愆戾差查以致林得陞被革妄控
所得杖枷應不准其援減兵丁王高賢聽從查傳經
署都司潘凱棍責革伍應免重科字識鄭芝錫索取
紙筆費錢尚未入手應照不應輕律笞四十請援

恩旨寬免孔宗槐葉帶英黃國選范亞直訊係被誣應與

干之行主金萬源并並無扶同弊混之兵丁人等
概行省釋各兵必飭回伍夏沛玉結欠金萬源錢文
照數追還其夏沛玉前次被失贓賊係令永嘉縣緝
獲正賊另結等語均應如該撫所題完結夏沛玉前
次被失贓賊應令該撫飭緝務獲審擬另結再該撫
所稱署都司潘凱短發草價錢五百文並將營馬暫
雇武童騎射所收租錢查係留營充公俱有用賬領
狀棚簿可查並未私收入己但並不禁草均干例議
相應附參聽候部議其相沿考試武童租賃營馬隨

習應行革除以肅營制等語兵部查將備等官于廣
管營伍理宜認真整頓庶不致積習相沿漸弛營制
今該署都司守備潘凱購買草斤並不詳詢時價短
發錢文致令屬弁賠補已屬不合至營中馬匹供應
差操尤關緊要乃該員竟將營馬雇給武童騎射收
受租銀七十八兩有零更屬玩視營務有乖職守不
得以所收銀兩未經入已稍從末減應將署都司事
守備潘凱比照私用驛遞夫馬例革職其失察之該
管上司應令查取職名送部議處至該撫聲稱租餉

營馬係屬相

習應行革除伏

積弊悉

營馬係屬相

警應行革除伏

積弊悉

省亦復不免

臣部通行各省督撫提鎮等嗣後

務須一體嚴行禁革毋再仍前滋弊

夾片

潘凱浙江人年四十五歲由行伍拔補把總千總乾隆六十年九月內題補浙江溫州城守營中軍守備今因署理溫州城守營都司任內購買草斤並不詳詢時價短發錢文致令屬員賠補已屬不合至營中馬匹供應差操尤關緊要乃該員竟將營馬雇給武

重騎射收受租銀七十八兩有零夏屬玩視營務
乖職守不得以所收銀兩未經入已稍從末減兵部
核議比照私用驛遞夫馬例革職等因嘉慶七年六
月十六日奉

旨依議守備潘凱將營馬出租雖所收銀兩未經入已究
屬玩視營務着照部議革職欽此